


T 2720/2223
CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
JAN 20 1940


10




名山藏

典謨

世宗





名山藏卷之二十五

臣何喬遠恭輯

哈佛大學哈佛藏書館珍藏印

典謨記

世宗肅皇帝

二十六年正月甲寅朔命朱希忠攝拜天玄極殿羣臣望朝奉天門賜徽王厚燿道號命將領生兩廣雲貴四川者卽用於其土毋推京營西北邊著爲令二月大祈于高玄帝壇六日三月策試貢士胡正蒙等賜制曰朕惟人君受天命主天下君師治教兼焉自古迄今百王相承道統屬之有不得辭者孟子以堯

舜禹湯文武之爲君臯陶伊尹萊朱太公望散宜生之爲臣各有聞知見知之殊唐韓愈氏乃謂堯舜禹湯文武周公孔子之傳止于孟軻詳略同異何歟宋儒謂周敦頤程頤顥兄弟朱熹四子得孔孟不傳之緒直接古帝王統果若是班歟抑門人尊尚師說遞相稱謂忘厥僭歟漢唐宋而下其君雖不能比隆唐虞抑其德功不可槩少果盡不足當大君道統之傳歟洪惟我太祖高皇帝體堯舜授受之要而允執厥中論人心虛靈之機而操存弗二我成祖文皇帝言帝王之治一本於道六經道明則天地聖人之心可見至治之功可成斯言也上繼皇王道統之正下開萬世太平之基矣迨我列聖克篤前業脩天叙人百八十餘年于茲朕纘紹鴻緒惟敬惟一敦典叙彝祈天拯民思弘參贊繼立之功者宵旰孳孳也茲欲遠紹帝王近法祖宗舍是何所寘力焉夫自堯舜禹湯文武之後孔孟以來上下千數百年間道統之傳歸諸臣下又盡出宋儒一時之論朕所深疑也予大夫其悉心對久早上禱宮中雨醮謝四月山西巡撫都御史孫繼魯坐與總督宣大翁萬達議邊不協逮繫之虜求貢萬達以請不許五月總督陝西三邊侍郎

見至治之功可成斯言也上繼皇王道統之正下開萬世太平之基矣迨我列聖克篤前業脩天叙人百八十餘年于茲朕纘紹鴻緒惟敬惟一敦典叙彝祈天拯民思弘參贊繼立之功者宵旰孳孳也茲欲遠紹帝王近法祖宗舍是何所寘力焉夫自堯舜禹湯文武之後孔孟以來上下千數百年間道統之傳歸諸臣下又盡出宋儒一時之論朕所深疑也予大夫其悉心對久早上禱宮中雨醮謝四月山西巡撫都御史孫繼魯坐與總督宣大翁萬達議邊不協逮繫之虜求貢萬達以請不許五月總督陝西三邊侍郎

曾銑逐河套虜勝之虜遠徙不敢近塞陞俸一級賜白金文綺諸將賚賞有差六月建謝典於吳錫仙宮七月以浙江福建郡竝海多倭改南贛汀漳都御史朱紈爲巡撫浙江兼管福建海道勅紈嚴泛海通番勾連主藏之禁河決曹縣先萬壽節建大慶典大高玄殿停封止刑二十三日禁屠九日度天下道士二萬四千人八月萬壽節命朱希忠代告天玄極寶殿百官望朝奉天門加授陶仲文特進光祿大夫柱國兼大學士俸蔭一子尚寶司丞吏部侍郎缺尚書闕淵推補祭酒王道道卒淵再擬禮部右侍郎崔桐少

詹事黃佐給事中時中言初道補時淵故擬禮部左侍郎許成名矣桐與詬訛乃竝舍而用道今復用桐是賞爭也給事中商御史利言桐成名爭矣黃佐與少詹事王用賓者兩恐人先亦復不讓皆小人也上竝令四臣致仕以妄舉奪淵俸文選郎中舜臣下鎮撫考訊之九月禮科給事中錫言兩淮運司解金色惡戶部尚書王杲巡倉御史艾朴私受解官正大賄持筦庫員外善繼抑納之上怒下杲詔獄杲奏解金稱兌皆委官臣與總督尚書移文往來而已臣日不見金寃矣上責杲總非古廉臣令加刑考尋戶科給

事中汝進秉彝養正起宗等言解金者大使蘭實兩
 淮署印副使祿鄉親祿與正大謀雜挿惡色令蘭入
 解廣通請托如太常少卿世蕃順天府丞奎總督尚
 書韓關節皆有狀請窮治之大學士嵩訟汝進等借
 臣子汚臣上益怒詰責汝進等不早劾祿者今為杲
 解釋朕加考乃言也執至闕下杖之降邊方雜職已
 發杲朴邊戍曄祿皆為民杲竟死于戍

王杲汶上縣人正德甲戌
 進士授臨汾知縣治行最山西補監察御史巡視陝
 西會歲大侵詔遣二中貴人分守蘭靖杲上言強邊
 饑歲民救死不贍若額外設官勢必增派困民乞取
 回內廷供掃除職庶合祖制總兵官趙文貪墨惟怯
 盜糧敗餉結魏彬為內援累劾寢不治杲列文所犯
 狀彬附下罔上乞併論如法文竟罷鎮累官戶部尚

言悉心審畫會有詔買龍涎香久未獲忌者因以中
 之上滋不悅杲御屬嚴毅無敢私于差遣者曹事不
 治必督過不少假借其才行卓異者汲引延譽如恐
 不及郎官化之莫不自薦多遷要職而不肖者不能
 無舛望兩淮鹽金解至者數十萬主藏員外余善繼
 漏收千兩典解者不敢匿具以首杲奏抵善繼於
 理善繼忿懟流言鹽金惡法不當收杲受典解者重
 賂故見抑耳主事胡經嘗被杲督過乃與善繼比而
 為之證經河南人也禮科給事中馬錫其鄉人信經
 喉露章劾杲峻文巧詆遂下詔獄戶科都給事中厲
 汝進等合疏論救悉廷杖褫職獄吏懼傳致款成如
 錫指上愈怒意且叵測因擊磬磬裂因嬰然疑其枉
 乃薄謫杲戍廣之雷州竟卒於貶所隆慶初都
 給事中辛自修等交白冤賜祭葬贈太子太保

閏九
 月舉秋報大典於大內六日建玄殿琉璃河橋名其
 神宮曰洪德永需橋曰瓊恩再舉秋報大典洪應殿
 五日湖貴苗連歲作亂四川巡按御史鳳鳴劾貴州

巡撫都御史王學益養寇玩兵致苗夷猖獗流毒異
省詔捕治學益京師科道官劾奏平陽知府聶豹虜
寇太原時大括部民財至二萬餘罰死囚金五千出
之豹貪肆宜罷下山西撫按官勘報部院會覆言豹
括財贖死備軍興心故無他贓非入已請許其休致
上曰豹假公違法逮問之京師既至發爲民吏科都
給事中大同等劾奏雲南巡撫都御史應大猷事竣
復命有舉無劾避怨長奸宜罰治吏部尚書聞淵如
其語覆請上曰雲南遠萬里吏倍自恣大猷徇私廢
憲胡言治也褫其官責淵回護而謫考功郎申雷禮

於外職十月勒獻皇帝小孤山詩於小孤山令有司
以春秋祀小孤山神聞淵會推兩廣提督以巡撫山
東都御史何鰲上刑科給事中鍊論鰲巡撫山東時
單縣賊竊發不能防滋蔓不能剪旣偵事於山東能
成功夫兩廣請下吏部詰問上奪淵與廷推者俸械
治鰲京師尋貶之十一月醮太高玄殿十二日壬午
宮中火夜出楊爵圓明閣陽雷軒成乙未方皇后崩
上以榻寢故痛后甚葬以元后禮曾銑疏復河套十
八事兵部言銑經略甚詳第事體大請下廷臣議上
曰虜據河套久矣念無任事臣其卽議十二月曾銑

論劾總兵仇鸞貪虐失番夷心上大怒逮繫之上諡
大行皇后曰孝烈蜀王讓栩代王充燿薨封懷塔爲
秦王

二十七年正月戊寅朔羣臣望朝奉天門上諭輔臣
陝西山崩移昨辛未日大風沙其占兵火本兵其悉
心經畫備弭兵部尚書王以旂上諸臣所議曾銑復
套事上始疑之間夏言曰套虜爲患久矣一旦逐之
師有名否兵有餘力食有餘積可必成功否昨捕誅
王三未論功賞臣下有怏怏心今欲舉此大事一銑
何足言祇恐百姓受無罪之殺我卽不言此非害數

民命比我內居上處下情外事何知卿職輔弼眞
眞見當行行之言不敢決請上自斷上再下羣臣博
議大學士嵩私言其不可上曰卿知不可何不力正
銑疏至時言密奏人臣無如銑忠朕知言不顧國安
危民生死但徇銑殘欲耳朕故一言未荅示不可知
後見卿擬旨多誇許又見夏言謂可是必語卿謂朕
知而主之卿未宜阻其謀者今鄙疏會奏則果行矣
可眞從耶朕方言不可耳時上已大疑言言懼不免
上疏自解上曰爾等朝廷倚政本百宜心邦民曷徒
徇私強君脇衆密疏未允詐稱上意必也詰問卽不

引罪吏禮部其會都察院參論之是時上意且不測而嵩攻言甚力下兵部併議兵部尚書王以旂言套未可復也上曰先朝但防守耳銑無故輕倡狂言雖奉俞旨然既下議矣自當深惟實慮明以入告忍心觀望一旦敗事何救也者其奪與議官祿俸及兵部侍郎司屬官各一年錦衣衛丞械繫銑來京王以旂卽兼都察院右僉都御史往代之盡心經理以贖執議不謹罪此安危大計也科道官寂無語者其悉逮杖闕廷各罰四月俸已聞淵等參論夏言輕信狂謀輒爲贊奏跡涉強君惟聖明裁進退上曰猶謂涉也

媚又畏者何臣體夏言其削奪餘官令以尚書致仕改戶部尚書劉儲秀爲兵部尚書儲秀被命疏辭言陛下明聖自入繼大統懷威四夷莫不震疊比復套一議尤非臣愚陋所能佐萬一上曰廝儲秀不急任事而撥游詞黜爲民鞏昌漢中大饑賑之兵部奏近從虜中來者言俺荅渡河與套虜謀寇延寧請嚴備上曰虜合聚入套非備我何也啓釁之臣可無罪乎其亟勅王以旂謹備兵部卽會同都察院參論曾銑毋比之故總兵仇鸞從獄中上書誣劾銑先虜入延安覆軍匿不聞尅取軍錢鉅萬密遣其子淳托言婦

翁蘇綱賂言表裏作姦事久不發銑自知罪重乃倡議復套冀非常功作解免上命捕下淳綱錦衣遣給事中錦衣千戶各一人往按之二月建春祈大齋顯陵宮三日夜六科給事中齊譽等劾奏銑上曰譽等無一先言者今見累旨乃以罪聞好負國也其降譽一級外調之名孝烈皇后陵曰永陵建祈歲典大高玄殿命百官青布衣辦事停刑禁屠三日陶仲文醮于王屋山以孝烈皇后百日追薦永僖僊宮十晝夜命府部侍從臣素服供事序日進香惟科道不許已巳大風揚塵上曰今日風色或仍邊塵者虜旣結合

伺侵我雖止兵彼或作欺笑而犯兵部再示邊臣勿墮計也三月丙子日有食之建祈年醮雷霆洪應殿庚寅月食以師久無功罷征湖貴苗兵錦衣鞫上淳綱獄上下銑法司會官重議之遂命追械夏言於途已法司擬銑無正律請比邊將失陷城池者上曰銑妄議開邊匿敗殃民欺蔽朕躬乃曰律無正條則通不治乎其擬正律奏乃當交結近侍官員律以奏詔可遂斬銑於市妻子流三千里出仇鸞獄中建追薦二聖及孝烈皇后醮七日禮成告謝大高玄殿翁萬達再以虜求貢請不許四月夏言逮至上書白訟上

怒不省下鎮撫司考訊命三法司擬罪刑部尚書茂
堅等會議言罪當死詞未引伏且久侍內苑有勞議
能議貴請上裁上奪茂堅等俸讓之曰朕腹心視言
言何視朕方銑上疏時言代奏強君朕何嘗一語論
荅敢動稱密論主行啓禍殃民事責問猶曰不知所
罪朕薄示戒令致仕又作怨語曰前者因不帶香葉
巾不服擅輿內府罪今日爲朝廷計非身家反遭斥
削是臣禮歟彼正以久直西內不得見蘇綱爲解爾
等又謂內苑有勞其如律擬奏言竟坐交通銑論死
亦流其妻子二千里建景命延禧醮五日五月葬孝

烈皇后永陵禮臣議奉主奉先殿東夾室上曰坤寧
正寢也其設於坤寧基年當祔廟乃奉主坤寧宮六
月賜楊一清諡周府鎮國中尉勤熨失祿越關詣闕
上疏言上厭萬幾溺長生重齋醮急興作數歲以來
委任匪人賄賂公行刑罰倒置當以秦皇漢武梁武
宋徽爲戒而希唐堯虞舜之跡上怒降勤熨庶人安
置之高牆禮部尚書宋請立后上曰念已立太子矣
昨孝烈崩朕已諭輔臣嵩母請也適宗室有比朕梁
武宋徽者朕卽當內禪退閒前代故事及成祖訓典
卿爲朕考立之案復上疏言皇后配體承乾贊成內

治椒塗蘭殿豈宜久虛此臣等拳拳狗馬心若夫傳位之事歷考前代唐高以功且在暮年宋有一二皆未造也成祖皇帝六飛三駕暫敕畱守則監國而已皇上天與人歸春秋鼎盛將萬斯年臣不敢奉詔上曰覽對悉卿忠懇后未可立宜承朕命七月太清閣成鄭王厚烷進四箴十連珠勸上修德講學上大怒曰爾知宗室有謗訕者輒劾之彼是何人乃細物曰勤熨爾真今時西伯也請欲爲而爲之總督兩廣侍郎張岳總兵平江伯陳圭討平賀縣賊陞叙有差朱統在浙中嚴泛海通番勾連主藏之禁浙中牟倭者

多不便之御史亮給事中鏜言統一人兼轄難遙制不如省設都御史各一人便下吏部覆言浙江故無巡撫遇警則遣重臣巡視事寧卽止今宜改統巡視浙福事寧日還京從之京師地震遣祭告郊廟社稷醮內殿外宮至于萬壽節後九日止凡三十五日雙穗穀七十五本生西苑上曰天降民祥因獻廟受賀八月萬壽節以孝烈皇后未朞止賀望朝奉天門賜陶仲文加支伯爵俸朱希忠崔元各祿百石嚴嵩支一品正俸加費案少保顧可學盛端明各太子少保陸炳光祿大夫柱國方士郭弘經王永寧鑄印賜道

號京師及廣寧登同日地震命羣臣實加脩省各條時政得失聞重建圓明閣建壽壇醮宮中九日虜寇大同總兵周尚文禦之九月宣府謀報虜衆數萬寇鎮安雲州將逼居庸上曰邊報或地異之應朕當叩道祈天此未必不因套妄之致彼久知矣不轉測之乎况雖銑死言囚恐不臣餘孽爲其報復不無兵部其示萬達等毋忘國之家忘民之已猜疑聽授邪孽必欲欺君逞忿王憲可脫神鬼之誅未可追也十月殺夏言建報豐醮雷霆洪應殿七日賜遼王憲燼道號上躬禱雪內壇其夜雪輔臣嵩率百官表賀上曰

卿感天歸君敬忠溢於陳詞朕其悉十一月冬至百官望朝奉天門十二月建報豐醮大高玄殿三日封讓栩爲蜀王廷琦爲代王

二十八年正月壬申朔命朱希忠代拜天玄極殿羣臣望朝奉天門套虜掠永昌鎮羌諸處總兵王繼祖三却之二月建春祈大醮三日夜魯王觀焯薨虜寇宣府指揮江瀚董暘戰死沒全軍虜遂東犯永寧關南大震大同總兵周尚文等戰敗之尚文自頌功累疏請叙上銜焉杭州府志已酉京師地震上曰豈三民間有潛懿壅抑乎命博採以聞三月辛未朔日有食之丙戌冠皇太子丁亥皇太子薨

四月建祈年醮大高玄殿三日洪應雷壇十一日上諭禮部入夏雨澤少降必祈雲潤庶豫民食其停十日刑百官素服供事毋怠以范總爲兵部尚書總辭上覽疏不恭黜爲民五月周尚文卒禮科給事中沈束頌尚文忠勇爲請旌上大怒曰尚文連疏自伐怨望多端未治適死廝東上誑曰忠勇部院其參論以聞尚書淵都御史僞言束狂迂當治心無他惟陛下原之上曰黨欺奪淵僞俸三月命廷杖束詔獄錮之八月上諭禮部朕生辰又屆思靜報玄恩可權免朝賀百司勿生慢肆宜盡臣勞以稱乃忠出西苑瑞穀

百六十本示輔臣奏謝上天而廟告萬壽節百官望朝奉天門虜寇大同左右衛威遠平虜等處九月建秋報大齋朝天宮三日夜虜寇榆林參將劉繼先等戰却之壬午月食虜掠萬全左衛總督郭宗臯督諸將禦之賊引而東駐沙嶺堡參將趙臣等力戰斬其酋虜潰右衛垣出建秋報大典大高玄殿及洪應壇十月以苑田穀瑞免刑囚十一月冬至羣臣望朝奉天門十二月上諭禮部深冬不雪二麥何滋朕親祈洪應殿文武大臣薦素饘朝天等宮毋慢封頤垣爲魯王

二十九年正月丙寅朔命朱希忠代拜天玄極殿羣臣望朝奉天門三月貴州苗龍許保襲印江縣及石阡府破之辛未上禱雨禁中至于四月不再河間人王聯故爲陽武知縣上幸承天時供帳不辦巡撫河南都御史胡纘宗劾罷之旣家居不孝殺人坐死繫縣獄久之乃令其子朝肅詐衣朝衣奏寃上前曰車駕南時胡纘宗迎駕嘗爲穆天飛駿英皇淚竹詩屬臣父聯鐫布臣父以纘宗詩皆虞周不祥語不敢如教遂劾父去官因徧構前後有司聽聯獄者凡三十六人上怒趣械治京師下三法司會訊刑部尚書劉

訥訊上纘宗詩頌也宜赦勿問聯誣當坐如故朝肅詐常朝官當斬上曰纘宗頌焉云淚哉下禮部都察院參論及疏入手之曰劉訥等不思執法而急市恩稱頌之詩固是如此遂黜訥爲民奪三法司堂官俸半年司屬官逮鎮撫司考訊之纘宗亦發杖爲民先是上意且不測嚴嵩陶仲文論救乃罷上曰獄平維二臣功特命嵩兼學士俸封仲文恭誠伯嵩仲文辭乃許之癸丑雨五月建謝典大高玄殿徽王厚燭薨六月施藥朝天等三宮趣徵內用香廣東凡六品十四萬斤有奇虜犯大同我軍敗績總兵張達副總兵

林椿死之總督宣大侍郎郭宗臯巡撫大同都御史陳燿以聞因言達椿雖亡虜亦旋遁官軍少被傷者閏六月予達椿贈諡祭葬立祠廕世襲一子停宗臯及燿俸給事中禹言張達效死先登一軍皆沒獨其二子世傑授以血戰潰圍出此數十年來邊關未有之大劔宗臯燿不自蓆藁陳咎乃彌縫蔓語曰虜遁軍傷少死何以見達椿生何以謝二子也上是之更令達二子同廕械繫宗臯燿京師既至各杖之百發戍邊燿竟死杖下起廢咸寧侯仇鸞爲總兵鎮守大同七月瓊州黎賊平延綏鎮巡官請加募軍之餉戶

部尚書潘潢言往太倉庫一歲之入十存二三今經用不貲內帑殫竭而諸邊增兵遣戍日昃月削虛腹心以奉四肢非完策也臣職理財愚不知變願與羣臣明習國計者得公議於庭惟上幸許上從之下潢議潢因言國初邊餉取辦民屯二種馬料取之採青牧放歲有常供未嘗告乏邇者民賦多逋軍屯寢廢本源既竭末流從之乞行各省巡按先稽起運錢糧嚴徵積負次及衛所屯田子粒覆實屯軍補其缺伍更以開中鹽引及各色稅課兼融計筭會通歲月或有非常蠲減方許奏發帑銀庶軍馬芻糧不失舊額

邊臣糧餉有以應之上曰邊急餉在日前徵負融筭紙上空額爾可作實給軍耶其再議潢再以前意請上責其偏執自用命調之南京巡視浙福都御史朱紉坐擅殺滿刺伽賈番被逮自殺八月萬壽節加成國公朱希忠特進光祿大夫柱國輔臣嚴嵩上柱國尚書張治徐階顧可學太子太保陞少詹事李本吏部左侍郎大學士致仕太常寺卿朱隆禧禮部左侍郎文華殿辦事中書談相工部右侍郎仍封禮部尚書陶仲文恭誠伯加歲祿百石高士郭弘經王永寧皆封真人醮朝天宮三日其日命朱希忠攝拜天玄

極殿百官望朝毋賀嚴嵩奏伏蒙加臣上柱國者臣不勝疑懼上之一字非下所擬國初以徐達之大勳勞止爲左柱國而已臣昧劣臣不敢上多嵩謹以嵩子世蕃爲太常卿虜俺荅大糾諸部入寇獨石邊外犯宣府西河遂引而東駐大興州乙亥循潮河川攻古北口巡按御史王忬言潮河徑可一日至通請馳備從之上密使覘忬忬方乘通城厲士上大悅戊寅虜果從徑至營通河東圻掠近縣使巡撫甘肅都御史王儀駐守通巖京師命大臣門九門而軍發城中民及武舉人授兵登陴使給事中御史視之出繫獄

故將令立功自贖已卯虜營白河東去京師益近大同總兵仇鸞獨引一軍扼虜河西上壯之保定巡撫都御史楊守謙亦率軍至上喜使營東直門下移京軍軍城中庚辰告虜警太廟吏部尚書夏邦謨等請上朝吏科都給事中秉壺等請駕還大內以安中外心上曰勿擾乘而恐動上下下令發倉廩平糴懸賞格募伎勇是日虜大殺掠河東民焚湖渠馬房鹵內侍增渡河至安定門兵部尚書丁汝夔恐喪師止諸將戰壬午虜大薄京師上怒切責汝夔所以不令諸將戰狀虜爲漢人書求貢縱內侍增還入其書稱臣

而詞甚媿上召禮部尚書階集議闕下議未定簡討毛起曰事棘矣盍姑許之出然後拒之國子司業趙貞吉厲聲曰今朝廷所急者出沈束於獄理周尚文功退虜易耳曷許貢爲時錦衣衛經歷沈鍊亦從傍從臾貞吉言遂與夏邦謨相詢而聞上聞壯貞吉名疏便計陞爲左春坊左諭德兼監察御史齊金五萬行勞軍上悅仇鸞守謙以鸞爲平虜將軍總督諸鎮援兵分道禦寇得以軍法從事以守謙爲兵部左侍郎兼都察院右副都御史副之命僉都御史商大節領所募伎勇異等別爲一軍軍城內外時諸鎮援

兵雖盡至皆遠屯藉口四逐虜鸞軍亦徒游移張聲勢守謙兵少不敢擊虜徒堅壁城下虜大焚西北隅火明西內西北隅多內臣園舍皆環上泣將帥不力文臣制之故虜得至此民逃虜求入者門閉率號哭城下上亦聞其聲益趣戰守謙等猶以汝夔未檄調爲解上震怒曰獨不畏朕癸未御奉天殿敕百官午門曰今虜入畿地當職諸臣全不委身任事輒曰上不視朝夫平時言君逸臣勞竊聖言自濟豈期今者不忠至此何有主憂敢爲下効朕中夜之分尚親處畫輔贊大臣日夕左右未嘗頃刻滯軍機而朝堂一

坐正復何益欺天背主之物且以正朝大內恐嚇朕躬奸臣敢罔君父與誤事者科道官通不一効大小諸臣便指實一一參奏餘諸但有見聞可助破逆擒虜者人人盡言再若昔玩竝從軍法於是詰責汝夔舉動周章汝夔惶恐請自出戰不許羣臣皆陳禦虜便宜通政使樊深言仇鸞張虛聲耳實養寇要功請詰之上方壯鸞黜深爲民甲申絕虜貢虜亦遯上命訊汝夔守謙儀午門外遂以王忬代儀丙戌京師解嚴貞吉還報盡勞諸軍獨宣府去京師遠臣未辭闕未敢行上曰貞吉大言耳用之乃蓄縮敢代尚文束

懷怨杖而降之邊方上曰汝夔負君毒民守謙市衛
主名黨同違旨坐視民禍卽便殺之戊子上責刑部
侍郎黯左都御史僑大理卿良才曰旨擬汝夔等罪
卽便也如何逼夜半日猶不奏人欺君者安用臣爲
各杖四十令成爰書午門下汝夔等死猶未贖生靈
數命也刑科給事中侃等尚循故事覆奏皆杖之百
發爲民遂殺汝夔謙仍梟汝夔流其妻三千里子適
戊巳丑賞仇鸞九月命掩人民死者賑被虜家夏邦
謨奉旨推經略薊鎮大臣舉都御史應奎吏科都給
事中秉壺言今治邊急得才應奎及宣府巡撫良薊

州巡撫嘉會率不稱又三關井陘潼關天津皆要
也四兵備亦宜更置使得人上下邦謨更選邦謨推
代三巡撫者四兵備尚未報上詰責之曰何遲也居
常不爲國公選遇事逡巡附背其姑降俸三級上考
問兵政革十二營兩官廳復永樂三營舊制曰京營
設勳臣爲提督官以文臣贊理之以仇鸞爲總兵提
督改吏部侍郎王邦瑞於兵部兼右僉都御史贊理
營務命僉都御史商大節仍經略京城改操江南京
右僉都御史李遂爲都察院右僉都御史專督兵糧
於薊鎮降鄭王厚烷爲庶人幽高牆論入援功加仇

鸞太保兼太子太保特召翁萬達制中爲兵部尚書起故翰林編修趙時春刑部主事申旻添註兵部爲巡視京營主事十月改京營提督曰提督京營戎政贊理文臣曰協理戎政仇鸞言京營官軍守難格戰請分遣御史調諸邊兵入衛爲秋防兵部覆言虜向往不常調諸邊兵入衛虜卽犯邊何抵也上竟從鸞議上諭嚴嵩曰昨胡氛深入雖荷天祐不日自退然欺上大罪未明宗室士庶其孰不忿虜賊未至時朕問卿卿謂佳兵不祥今若以去又弛後災必甚要當講求征伐大計勿論虜犯否庶可伸我中夏氣象又

論曰今直搗巢穴殺虜不爲無名所難食一兵二須大豐三五歲鮮旱澇之災食足兵雄乃可如皇祖時長驅耳今且謹備二諭勿秘皆示諸臣令曉朕旨刑部郎中徐學詩言賊至門庭陛下有諭令人人盡言所以破逆擒虜者切見嚴嵩奸貪特甚嵩子世蕃竊權擅政臣謂正本清源無如亟罷嵩父子皇上攬權穆清之上六卿分職則天下自安上曰廡學詩乘上言以報私忿下鎮撫司考訊之嵩求去不許曰勿墮小人計但竭忠輔朕上諭嚴嵩曰聞賊歸多毒瘡死者殺人盈萬天怒之矣今不可以好武阻先集兵糧

示戶兵二部知之復諭仇鸞曰勿怠戎政必長驅胡虜如皇祖時鸞對方冬虜馬肥請以來歲三月大舉也上悅優答之仇鸞恃寵驕恣申熒惡之奏言營政更始叨耳目之司凡事願加詳博訪不當決計於一人上以熒疏指不明密示鸞鸞心知謂已上奏曰熒乃制臣不得有所爲巡視京營既有科道官矣益以職方主事臣東西顧脅息懼罪而暇謀虜上下熒考訊外調之遂革巡視主事職十一月冬至羣臣望朝奉天門祧仁宗祔孝烈皇后于太廟復爲后祈福內殿六日以翁萬達被命久未至遂以王邦瑞爲兵部

尚書及萬達至上責其慢奪職別用李遂自南京至上亦以其遲下吏部尚書邦謨吏科都給事中秉壺等參論皆請罰治之上曰國事方殷遂聞名遷延無人臣禮邦謨秉壺猶護之也遂黜遂爲民而罰邦謨等俸有差因以王忬代遂上曰雪恥報恨恒人知之况明明大邦醜虜陵之當職掌者其整飭兵將定以春中舉勦敢言止者大將軍鸞處治十二月癸亥上祈雪禁中乙丑雪增置昌平易州各都御史副總兵一員并設通州者爲三輔降翁萬達爲兵部侍郎兼僉都御史守易州起故僉都御史許宗魯守昌平大

學士嚴嵩一品滿十二年考賜獎勅誥命虜叩宣府邊求貢不許仇鸞奏言薊州總兵鳳鳴大同總兵珏不勝任請黜之而別薦京營副將勳代鳳鳴密雲副總兵仁代珏上皆從之旨從中下兵部尚書王邦瑞言會推而請自上裁此故事也京營大將與外鎮將領本無屬也鸞將京營輒請置易外鎮將領旨從中下臣莫與知恐無以杜專擅漸上責邦瑞曰戎政初脩忠將是托朕密諮鎮將非鸞自擅爾若選將練兵事事加意且不待彼言矧俾我勞今一矢未發輒先自攻譖大臣謀國之忠宜爾耶上復曰昔我二祖兵柄多出達能諸將無作謗者邦瑞以虜退未擢是又翟鵬之怨上也每日破格舉事盡忠者乃不能容虜再至當效汝夔誤國矣京師南關貨賄所集廂中居民願助城外城以備虜許之冊徵庶子載堦爲徽王楚庶子英燦爲楚王

三十年正月己丑朔命朱希忠攝拜天玄極殿羣臣望朝奉天門錦衣衛經歷沈鍊論劾嚴嵩父子奸貪十大罪夏邦謨爲之關賄賂若頤指然請兼誅斥之上曰廝鍊先爲令坐貪被調今且考察度不免抑昨歲與邦謨喧闕朝堂尚未正罪乃敢狂恣出位誣奏

大臣計取直名去錦衣衛其捕杖之尋發口外爲民
甲辰月食兵部議調班軍及近畿諸府人夫脩築薊
鎮邊牆仇鸞爲班軍請免上許之而曰各邊歲歲言
完脩也無一濟者要當練兵蓄銳實圖効耳其第令
本鎮第量自脩築亦毋妄勞費爲兵部左侍郎史道
言脩邊限虜不爲無功班軍卽不調請借役人夫許
之二月禮部尚書徐階疏請建儲者三上問嚴嵩嵩
對東宮諸王十五則選婚景裕二王年及矣當先正
名焉冊裕王爲東宮乃可行冠婚禮也上曰已酉春
事可思古者男子尚三十娶已酉春蓋莊敬太子薨

之年上曰朕思去秋虜醜肆然滿歸今歲定犯若弗
決討彼益逞今練兵處食爲上城外城妨民財力其
令遂罷之兵部尚書王邦瑞條備虜五事其一言薊
州脩築邊牆正策也頃因甲可乙否遂欲棄之虜窺
伺無時請亟勅所司斷然必築上曰誰云棄牆不築
者前旨謂當圖實効耳不圖實効終歲築何益邦瑞
職本兵自當幹理實事烏用建白如它臣爲其自陳
狀遂革邦瑞職令以冠帶辦事以侍郎道郎中耕等
阿附覆奏皆奪俸有差及當考察邦瑞循故事上疏
自劾上責其巧辭懷怨斥爲民翁萬達亦以考察自

劾乞終制上責萬達無奮勉効力之忠罷之及疏謝復責其奏牘不恭亦斥爲民三月作玄府鎮虜法壇以厭虜趣戶部取龍涎香爲脩醮壇之用虜獻我叛人錦寶等請質其使人以求馬市下兵部尚書趙錦咸寧侯鸞議鸞力主之羣臣皆如鸞言上難焉問嚴嵩嵩曰非謂恃市忘戰也以緩虜入而脩備焉從之遂許開大同宣府延綏寧夏四鎮歲兩市名致仕吏部侍郎史道兼右僉都御史往大同經略旣行兵部員外郎楊繼盛上疏諫止上示嵩得無與邊臣再計如我初意直堅守而待掃除之乎嵩曰道行矣上曰

當使語虜中國尊上天子好生乍許歲兩市全民也繼自今必十年不敢犯邊乃許再莫示弱嵩曰虜待命矣無以信外夷且虜懇上乃下旨邊臣久奏馬市集議而後行繼盛卽有見宜早言何撓邊惑衆以淆國是下鎮撫司考訊出爲邊雜職總督湖廣川貴右都御史張岳大破貴州苗上諭禮臣曰天久不雨朕先虔齋三日祈霖于洪應文武大臣其祭告郊廟徧于羣神四月建祈年醮朝天宮復以仙宮蓆殿不戒于火令更壇而舉醮貴州苗旣破其賊首龍許保等竄入湖廣苗鎮筸寨糾黨突入思州執其知府允簡

大掠去事聞革貴州都御史任輒職住總兵官沈希儀俸暫加張岳爲兵部右侍郎兼右僉都御史以重其權切責之令與希儀皆戴罪勦賊以兵部尚書錦左都御史僑兵科都給事中光裕等不究論諸臣罪奪俸有差以早賑保定河閒諸府仇鸞言今者四調邊兵及京營軍兵共五萬人臣授大將用兵貴專請皆隸臣分布諸路他官不得擅調遣從之左都御史商大節言臣承經略之命但參酌綜理贊仇鸞所不及耳非有重兵在手責守戰者也鸞擇精銳五萬出爲游卒留柔脆京軍以防守委臣臣一身耳當京師利害設虜分而爲二一道衝鸞一道趨京倉卒之間孰圉去年事可鑒乞勅兵部詳議分屬使臣守之上曰廝大節未見敵已自愛矣可期與戰耶下鎮撫司考訊令三法司重擬刑部比領兵官已承調遣不依期進兵策應因而失誤軍機者斬上竟是之候決於詔獄開馬市大同還虜質五月以雨應祈遣謝各宮廟大同旣市虜酋俺荅上表謝進馬九匹入謝仇鸞言夷俗敬則用九宜賜勅厚賚從之賜俺荅彩幣四表裏大紅紵絲膝襪一表裏金頂大帽一金帶一及其子脫脫夷使有差六月虜犯左衛侍郎史道詰虜

甫市也而何犯虜謂中國妖人蕭芹等誘已而朶顏
三衛亦蓄我叛人哈舟兒陳通事時時勾虜寇邊皆
懸賞格捕之上曰虜固逆天本之我中國賊也次則
三衛曩者朕奉上玄威王三見擒未遂封賞朕又累
怒邊吏故人人坐視賊來欺脇朕躬不然豈胡虜敢
連犯也自今邊臣果有忠主心不宜自負幸禍欺天
者繇其自作賊至自有祖宗法不赦抑朕以虜市且
撤玄府鎮虜壇虜旋動朕不敢忘玄祐元江土舍那
鑑作亂張岳擒獲貴州苗首龍許保命卽誅於貢州
睦妃何氏薨將葬之上曰古者世婦御妻數用九其

自今九妃同墓城通州命戶部進銀五萬爲內供自
今五歲一進銀十萬兩購龍涎香遣大臣廟祈以弭
虜虜執蕭芹等十餘人至邊仇鸞家丁時義縛以入
賜虜酋俺荅金彩通袖衣二襲彩幣四表裏加鸞太
子太保米二百石廕一子錦衣陞史道兵部尚書賞
金幣總督侍郎蘇祐而下皆賞金幣有差亦賞義如
伏玘例下芹等誅磔之八月史道言虜富者十二貧
者十八富虜以馬易繒帛貧虜無所得馬願以牛羊
易菽豆不許之則貧虜亦且寇邊許之則俺荅可藉
以約束諸酋我亦可因而脩戰守焉下廷議皆謂虜

無厭藉藉難之仇鸞亦不敢決主上曰虜要求多端詐不可聽其絕之已俺荅表謝帽帶表裏之賜并乞職役誥命道復以其表聞上察表非虜文切責史道不處置邊備輕與虜瀆奏召道還遂絕虜萬壽節命朱希忠攝拜天玄極殿羣臣望朝奉天門大將軍仇鸞統領京邊兵馬二萬七千有奇候虜白羊口九月上諭兵部風作竟日其防虜毋怠京師地震有聲詔脩省三日刑科給事中良翰上覆錄囚奏上曰日恭大亨斯良翰奏刑不敬孰大焉奪其俸既享諭禮部曰日者大亨自始視牲風陰罔閒實所司不恭雜之

遷墳瀆之刑奏繼自今祈穀大亨禮悉禁封點齋視牲如大報毋慢都給事中光裕御史愷等劾奏史道爲虜請易菽豆乞封號委靡遷就不稱任使請亟罷之上怒曰已名還矣向時爾等皆安在杖而奪其俸十月史道還下吏部議進退尚書李默言道前後處畫市易有無利邊皆在上鑑惟聖明裁之上曰爾職司評擬如何煩我若夫考核羣下皆以勞主爾何爲者降默俸一級令道供職如故改葬哀冲莊敬二太子天壽山遼東巡撫缺李默會推布政使張景謝存儒上曰是以資遷矣如今急邊故非常比默不慎重

推舉安有視國如家意姑記罪其再以堪任者問默懼疏謝上曰默受朕簡長此六卿徇情市好累不改省薄罰示之乃敢懷忿忌辱假名陳謝其革默職爲民裁革易通二都御史使薊州巡撫兼視通保定巡撫兼視易十一月薊遼總督侍郎何棟獲哈舟兒陳通事械磔之告謝郊廟社稷及歷代帝王輔臣嵩等疏賀上曰卿等入賀歸上功羣邪猶不滿向者王三捕誅未酬欲得丁汝夔果縱賊至國門口羞主今臣下人各一心如鸞矢心爲國一念殺賊累累密請乘春大搗虜巢朕爲鸞計防羣邪害之以遏後來爲國

之臣故累不許如卿贊事上玄至日爲奸佞不朕諫正或有口同心異對人自解者卽日奏謝赫矣天地神祇也寅前小霧禮後大霧乃又百邪之忌占曰臣蔽主明天地不享甚昭昭矣今文武臣役速傳示吏兵二部擬恩加進母使又怨遂蔭賚仇鸞何棟及輔臣嚴嵩禮部尚書徐階兵部尚書趙錦等有差冬至羣臣望朝奉天門十二月以雪應祈羣臣疏賀上嘉荅之製賀雪吟上曰乃者逆醜攜犯賴有謀勇之臣攝彼兇殘竟秋無事成天地宗社禘茲建總報大典大高玄殿七日其停不急封如例旣慶成上曰恭誠

伯仲文以萬金百帛助軍奉命建醮保民大獲庇祐其歲加祿米百石子世恩陞太常少卿仍帶俸真人高士弘經永寧中輔官道戴中成等皆覃恩有差封瀋世子恬姣爲瀋王

名山藏卷之二十六

臣何喬遠恭輯

典謨記

世宗肅皇帝

三十一年正月甲申朔命朱希忠攝拜天玄極殿群臣望朝奉天門大同虜求易菽豆不遂屢寇邊巡按御史李逢時阻之遂入掠諸將禦之皆敗朝議籍籍追咎馬市非計仇鸞慮譴請選宣大精銳兵萬人發白金二十六萬爲戰資上不許諭嚴嵩曰金民血也鸞去歲調兵不一戰費軍興數百萬卽戰當何如其

第令戰已亥月食虜犯大同益數上曰邊臣恃市不備也從今一意戰觀望者重刑於是仇鸞請逐虜上曰虜少入耳毋煩卿禮部尚書徐階言周人愛君拳拳億祝虞廷命官諄諄胄教皇子年十有六選婚講學實維其時然必冊立先之名位定然後可次舉臣實司禮敢昧死言上曰二子年及卽以本禮舉冠婚何害何乃逼君其卽具冠婚儀奏階請先冠裕王次景王婚亦如之則暫於內宮上曰婚出府故事也何暫於內宮嚴嵩對曰冠同日婚出府故事王也裕王將爲太子焉上曰二王同體其以三月冠婚次之治

二府二月更名西苑御宮爲永壽宮宣大二鎮大饑人相食令督餉侍郎馮坤發白金十萬往賑之以兩鎮巡撫何思蘇祐不奏報罰其俸虜酋俺答擺腰等糾聯部落移帳天城並虜塞駐牧警報日夕至建春告大齋朝天宮舉大祈歲典五日以太上道誕建醮永壽宮九日示百官勿謂弗經欺玄而謗上勅故工部侍郎陸杰齋白金十一萬修玄帝宮於太和山上諭禮部春半土燥布種恐難其命文武大臣爲農借雨各宮廟以青衣角帶行禮虜大入大同威虜等堡指揮僉事王恭死之宣大總督侍郎蘇祐不以聞而

以虜騎三萬入報俄大同巡撫都御史何思報虜退則亦不言虜衆寡與所從出入處上心疑之令飛騎往偵二千耳王恭死焉遊擊呂勇劉潭參將張騰孫麒焦澤總兵王懷邦皆逗遛退縮不力戰上切責祐思妄言命錦衣衛械繫麒潭京師革懷邦澤勇職級使帶罪自效贈恭官廕其一子夷使了頭智求市大同命斬而梟之諸鎮乃詔仇鸞往逐虜三月修歲例典洪應雷宮六日冠裕王景王禮科給事中适奏乞命二王出閣講學禮部爲覆請上曰朕已與卿等久計更待适言彼竊以瀆宜參究之乃借以請京營遊

擊將軍時陳自言遇虜大同西戰十合敗之追奔三十餘里虜二萬騎奄至與戰兩日乃解上曰時陳勇其母侍御史覆實厚賚之四月上諭嚴嵩曰朕二子近議出閣禮部何久未請者徐階上疏請期上復曰茲逼夏杪無幾何時其待秋爽掌詹事府事尚書孫承恩曰臣備宮臣職輔導敢固以請上曰雷久不聲占云臣專果适不奉君卿未可附和虜入遼東新興堡堡百戶常祿指揮姚大謨劉棟劉啓基死之備禦指揮王相勒兵四百人赴之力戰二日與指揮張策百戶程克政胡鎮皆死之予相贈官賜祭葬廕其一

子祿策等皆贈官子孫各陞襲三級仇鸞言臣帥師出邊行二百餘里遇伏我軍陣亡二十八人傷二百一十二人失馬二百餘匹斬虜首五級獲其馬三十請如賞時陳者賞諸軍兵部言鸞出師伐虜不能取全勝斬獲少損傷多宜下御史問狀何得引時陳者上曰諸將久暴露遂賞仇鸞等有差徽人王直者爲倭僧故都御史朱統嚴海禁絕倭海上諸豪遂負倭所市倭失貨競責直直無所出亡據海島上因聚亡命徐海陳東等爲將領數勾引諸倭奴入寇浙東至是倭萬餘人駕船千艘燒劫溫州諸郡破黃巖掠之

七日其後猖獗浙直中東據柘林海據乍浦凡六年乃絕五月旱禱雨旣雨群臣賀上曰今虜脇降三衛勢甚張諸邊相繼告急修邊二年百無一效內外官有幹國如家者耶虜創必肆秋犯如玩者軍法治之增設兩淮等處巡鹽御史一員七月乙未月食以倭起復設巡視浙江兼管福興泉漳都御史總督軍務以王忬爲之先萬壽節建醮大高玄殿二十五日八月廬江王祐楫獻瑞穀薦廟受賀建壽旦醮朝天宮三日夜萬壽節命朱希忠攝拜天玄極殿羣臣望朝奉天門乾光殿成仇鸞死上聞其通虜狀命剖棺斬

首梟示九邊鸞父母妻子及鸞家丁時義黨侯榮姚江皆論斬沒入其男女貲財家屬黨與流配之虜大入大同九月大掠大同馬邑朔諸處以仇鸞誅親舉謝典內殿五日遣告謝二郊社稷宗廟先師帝王詔天下百官表賀革戎政廳凡鸞所改置戎政悉罷之修秋報大齋朝天宮三日夜虜大攻山西三關不克引去悉罷諸邊馬市鳳淮揚徐水賑之遣科道官巡視太倉銀庫著爲令十月南京試御史王宗茂極論嚴嵩奸貪出爲平陽丞兵部尚書趙錦坐先附仇鸞戍極邊虜寇遼東岷王譽榮薨十一月張岳盡平湖

貴苗建秋報歲典於洪應雷宮冬至羣臣望朝奉天門十二月光祿寺少卿馬從謙言提督光祿寺太監泰乾沒內帑以萬計巡視給事中允中御史斯彬亦劾泰如從謙言泰誣奏從謙盜用大官食物誹謗上奉玄不忠狀上命逮鎮撫司訊之訊上泰所引從謙誹謗語曖昧無證不足深誅上責鎮撫司奪其俸曰從謙罪如子罵父考律曷不究也因降允中斯彬邊方雜職從謙泰下法司擬罪法司坐從謙邊戍泰送司禮監奏處上以泰能舉發欺謗臣免之廷杖從謙午門戍烟瘴從謙死杖下虜寇寧夏大殺掠封慶庶

子鼎枋爲慶王修謝歲典于內殿命大臣祭告六宮廟百官吉服齋戒法司停刑五日雪百官表賀

三十一年正月戊寅朔命朱希忠攝拜天玄極殿壬午日食雪不見上曰日食不顯露雪瑞旋荷天恩不可不知其奏謝郊廟社稷先是孝烈皇后祔廟之議自上發之禮科都給事中楊思忠與徐階議不可上銜之至六科官上表賀正楊思忠爲首上摘表中語詰之曰申錫玄禧是何文體廝思忠不臣久歲其杖之午門之外百發爲民餘罰一年俸遣禮部左侍郎孫陞建安神醮於承天元祐宮癸巳月食嚴嵩請婚

二王於內府上曰何搖外議也則立爲太子矣夫出府不可如何害及二王如何害及朕者卿明言之嵩言儲位未有所屬同居於外危疑易生嫌隙易起臣所爲二王慮者也先朝有太后有中宮東宮體勢增重主上尊安今烈后上賓至親獨二王乃皆在外臣所爲聖躬慮者也上曰無庸有能勝天乎已禮部擬上婚禮稍分別上曰旣王矣何異之有爾等卽舉冊立禮勿煩朕也禮部以爲然具儀上上曰豈有朝更暮改者其一如王禮元江賊平名還楊繼盛爲兵部員外郎繼盛至復極劾嚴嵩專權曰陛下不信則請

名二王面問之上曰廝繼盛本心探測朕意故引二王好無上也錦衣其杖之百四杖一更人已下刑部尚書何鰲當詐傳親王令旨律絞上曰姑如擬猶輕鰲等不執法重論尚請朕憫狂黨邪廢法也其降俸一級郎中史朝賓降三級外調之嚴嵩引罪求去上曰羣臣細醜已結爲黨彼物明言逆賊勾虜其本在卿顯然指卿贊直玄脩不朕阻抑實誹君詈上朕非內色外禽者等享有天命崇事太上又與宋徽梁武大不同人臣如此買直邀譽卿若引罪真墮邪孽計皇天鑒臨神明左右宜贊佐奉順毋生去心特旨以

聶豹爲兵部尚書二月庚戌冊李氏爲裕王妃乙卯冊王氏爲景王妃皆出就府建春告大醮于朝天宮三日夜羅田縣省祭官緯進白兔賞金幣徐邳水甚命河道御史曾鈞濬黃河下流以通漕遣刑部左侍郎吳鵬往賑之初楊繼盛之劾嚴嵩也謂今工部尚書歐陽必進故嵩中表嵩私之以爲兩廣軍門必進就中爲嵩孫鵠冒功得錦衣至是必進上書自理下兵部覆嚴世蕃自爲草授郎中周冕使覆奏冕封奏世蕃草劾之上曰廝冕不俟部覆自以意肆報復杖而黜爲民嵩因爲鵠辭職許之倭犯溫州參將湯克

寬破之虜犯宣府參將史錄死之予贈廕賜祭葬祠
死所三月建祈年大典于大高玄殿陝西山東大饑
賑之巡按雲貴御史趙錦論劾嚴嵩亦及嚴鵠嵩歸
第待罪上曰錦明諂君其械繫京師治之遂復鵠官
召嵩立入直及錦至廷杖黜爲民虜入宣府犯河曲
遊擊孫邦丁碧戰却之尋犯深井堡總兵郭都死之
虜犯延綏總兵劉梅死之上賜邦碧金幣予都梅贈
諡祭葬祠廕建祈年典于洪應雷壇兼求雨焉復城
外城閏三月以大道殿成建景命吉典九日王直勾
倭大寇江南濱海諸郡至于淮北破昌國衛屯之五

日參將俞大猷以舟師逐去之直復勾倭攻陷臨山
衛城四月旱禱雨內殿管宜春宮建吉典雷壇仙宮
停封十三日革新設招撫徐淮山西屯牧清理鹽法
及巡撫昌平四都御史浙江舟師破賊松門港倭犯
太倉平湖海寧破上海海舟大掠南直隸浙江諸郡
復破浙松陽松陽知縣羅拱辰戰却之五月倭入上
海屯之七日倭陷乍浦所流劫寧化奉化參將湯克
寬火之於民舍餘倭遯虜犯遼東設提督海防總兵
以湯克寬爲之建景命典于乾光宇六月荆王厚烜
薨七月禮部爲二王請入賀萬壽上曰未命攝祭其

待明秋自是凡萬壽節禮部爲二王請賀皆不許建
生辰醮于雷壇上諭禮部朕丕承父天母地洪眷大
道帝師匡扶內宥殛滅外虜平寧恩祐加隆勿謂邇
君弗似臣隣之義茲月下旬及八月初旬高玄等壇
修景慶等儀其母違怠以爲民先虜入渾源東寧廣
昌命王忬提督軍務巡撫浙江兼福興泉漳地方虜
攻插箭浮圖等峪固原遊擊陳鳳寧夏遊擊朱玉擊
退之上大悅命卽加陞爲都督僉事毋待勘報八月
虜犯蔚掠代繁峙諸處復犯宣府塞吏部尚書萬鏜
推通政使趙文華爲鄭陽巡撫兵科右給事中朱伯

辰論劾文華宜罷文華言伯辰劾奏皆鏜嗾之因言
鏜怨望上黜鏜并伯辰爲民畱文華如故復召李默
代鏜萬壽節命朱希忠攝拜天玄極殿羣臣望朝奉
天門虜駐鄜延掠延慶諸州河南盜師尚諂山東盜
李自名等作亂九月虜犯大同塞總兵李涑參將馮
恩遊擊李桂等死之皆賜贈諡祭葬有差祠其處虜
從紫荆關浮圖峪分突山西取道宣大諸鎮兵前後
邀擊之于廣昌靈丘代蔚至磁窯口中伏而去捕斬
凡三百餘級上曰是皆文武衆臣之勳士卒效力然
豈無天祐神助故以歸報天神爲正遂祭告二郊宗

廟社稷先聖帝王乃論諸鎮文武臣功有差建秋報
大齋大高玄殿七日朝天宮三日師尚詔平饑免廬
鳳淮揚諸州縣衛所稅糧有差勅賑之十月賑畿內
諸府及宣府遼東山東河南并蠲賑浙江被寇諸縣
建秋報大典于洪應壇九日修南京皇城倭復自華
亭登岸泊寶山湯克寬擊勝之常熟知縣王鈇禦倭
福山勝之計三中武科者會試著爲令遣行人東萊
勅諭南直隸山東撫按官破格賑饑以南京兵部侍
郎謝存儒故巡撫河南時不能弭師尚詔盜械治於
京師京師大饑上問嚴嵩京師饑曷處之朕聞外省

饑民亦來奔就必有斃道路其發太倉米十萬以六
分平糴四分給四來貧苦者外城成十一月倭犯上
海嘉定冬至羣臣望朝奉天門建景命圓慶典于仙
宮九日十二月禱雪禮部言畿甸災難爲郵冊封宗
藩請如古孟夏封諸侯禮移之來歲四月詔可著爲
令修歲成大典十四日雪羣臣賀以天臘節建醮大
高玄殿停封二十八日取大倉庫銀十萬爲內供嚴
嵩言中外望陛下立太子請舉之明春上曰昨月下
旬朕景命慶圓下令臣民毋欺怠卽次日逆惡邪物
造言朕躬不豫朕久聞沸騰之言謂諸事皆卿仲文

爲之卿仲文不言卽言朕無不立太子者卿疏自解是矣恐非安上敬君之祝

三十三年正月壬寅朔命朱希忠攝拜天玄極殿百官望朝奉天門建元旦醮大高玄殿停封事二十八日以六科給事中思靜等賀表不上書萬壽者各逮杖之午門上諭嚴嵩曰卿昨奏立太子老忠慮國亦固然已然朕一切政體未失止風興不一坐臣又皆逸今朕以一王猶監國者何如嵩對曰中外臣民謂它無敢請立太子者獨咎臣不言臣是以言臣所請者禮也非謂政上乃已康妃杜氏薨冊諡曰榮淑發

太倉賑饑民之就食京師者百里以內人三升遠者遞加至二十升而止停邊選例倭久泊崇明南沙至是潰圍出海轉掠蘇松諸州縣二月建春祈大齋朝天宮三日夜大祈歲典三日倭攻松江官兵追戰敗績巡按直隸御史慎劾奏應天巡撫都御史彭黯陞工部尚書卽上官不待代坐令倭知調度無人馳突益甚乞重治以警臣偷上命械繫京師黜爲民三月吏部舉江西左布政陳洙代黯上曰倭方棘洙勝黯否或遠不能旦夕至其再擇乃改兵部右侍郎屠大山兼都察院右僉都御史兼巡撫督糧焉命建顯陵

殿規制如景陵御史何廷鈺條時政八事下戶部戶部以其迂闊格不覆奏廷鈺詣郎中劉爾牧趣之爾牧敏悍善籌戶部尚書鈍所倚見廷鈺而傲廷鈺言比陛下戒戶部節財爾牧外爲謗毀言今縣官賞不搏而費無經大自泥沙安得責戶部上曰朕奉玄卽取太倉儲豈能百萬廩爾牧敢以不節無名謗朕卽如修邊一費侵欺千倍有言及否其逮杖之午門百發爲民上曰朕惟逆賊犯闕後連歲凶饑惻然念之今恤民養軍爲要兩者得人雖患不害吏部其令有司加恤災處奏遷尤異重刑其貪殃者諭兵部責實

邊鎮將官撫士而飭兵政焉以四方災異建新祐典七日倭掠蘇松參將湯克寬擊敗之採淘港建景祐吉典于大道殿七日倭掠通泰等城餘衆漂入青徐界李自名平四月上曰春雷未聲四方旱澇交災勿地咎君天工人代當責臣勞其遣張溶等祭告各官廟停常封九日京師大疫上曰疫甚死亡塞道朕甚傷焉太醫院其藥療戶部發米五千石粥之死者官藁瘞毋暴露天地間以瀆廷試歲貢士上親擢何烱爲第一衡永盜起倭寇嘉興伏殺官軍於孟家堰都司周應禎指揮李元律千戶薛綱宋應瀾百戶趙軒

梁瑜俱死之倭轉陷嘉善攻嘉興府副使陳宗夔戰却之賊遂入乍浦與長沙寇合犯海寧諸縣復轉破崇明知縣唐一岑死之上曰朕雖廢朝此心勝于一坐居常念邊宣大總督蘇祐朕聞其衰兵部尚擇人代之虜大掠宣府嵩峪紫溝等堡五月以地臘節醮內殿七日倭大掠蘇州轉入崇德和順民文英獻瑞兔賞金幣壬子月食以南京兵部尚書張經兼都察院右副都御史總督南直隸浙江山東兩廣福建等處軍務大勦賊募山東兵禦倭六月虜犯大同五堡總兵岳懋迎擊之與指揮僉事薛綦陷陳力戰死予

懋贈諡祭葬立祠廕一子綦亦予贈祭葬附享于懋祠倭繇吳江轉掠嘉興背王涇而陣我兵與戰大潰指揮夏先死之賜贈祠總督宣大侍郎許論言岳懋新敗虜日屯聚左右衛聲息旦夕而軍缺馬少芻糧不備不足以戰乞勅兵部計處之兵部言先任巡撫久不以芻糧給士以故宣大士馬多物故上命械繫前總督宣大蘇祐及大同巡撫都御史侯鉞來京治之尋黜爲民切責戶部尚書方鈍等遂以戶部右侍郎陳儒兼都察院右僉都御史往賑并覈其見在芻糧軍馬有不足者計處之上諭嚴嵩曰倭虜兩犯朕

甚念之有爲國真忠之臣不遂特旨以王忬爲右副都御史巡撫大同京師淫雨漂沒民廬賑之七月倭自蘇州流劫嘉善縣轉趨松江出海參將俞大猷擊敗之鄭王進瑞毅禮部請告獻受賀上曰今夷狄作欺大水疫荒任事之臣不思處置坐喜禍亂謂盡繇朕安用強以賀天錫玄庥不可慢忽其告獻上曰水災兵荒劫數已定匪天災人實人自招我累年經歲爲民切求下當我感乃臣欺民愚覆謂我迷天監大昭西苑果育瑞禾百十五本庥祥隱出語爾衆知建啓祝醮於西苑停封五十五日取太倉銀十五萬爲

內供官兵敗倭於長礁南海中焚其舟上曰今者水居庸古北如河虜料不能逞當備水落耳兵部其先計上曰自古君臣元首股肱未有不體一之關也直贊事玄第希忠嵩兩人者親臣其增駙馬都尉景和安平伯承裕文臣增吏部尚書默禮部尚書用賓武臣增左都督炳焉撰述玄文則選侍從文學之臣四人充之於是吏部侍郎程文德郭朴禮部侍郎閔如霖吳山當其選發內帑銀萬兩修泰山神廟八月以萬壽節加恩廕朱希忠陶仲文各一子爲錦衣百戶嚴嵩子工部侍郎世蕃添註管部事徐階兼太子太

傳武英殿大學士李本太子太保文淵閣大學士餘
官如故高士中輔正一等官王弘賓道士楊常靜皆
加道號有差嵩以世蕃故不繇科目辭管事許之萬
壽節命鄔景和攝拜天玄極殿羣臣望朝奉天門虜
十餘萬騎分掠平虜衛等處至于朔州嘉興倭還屯
松江柘林川沙窪二處進薄嘉定城參將李逢時以
山東兵六千人敗之趣戶部買龍涎香山東兵乘勝
擊倭採淘港大潰命械繫故巡撫屠大山參將許國
李逢時副總兵明道京師黜大山爲民國等皆論死
虜犯宣府小白陽堡九月建秋報大齋朝天宮三日
夜虜犯紅井官兵襲敗之徙樂昌王府於朔州文華
殿辦事工部侍郎談相者故以善書幸假歸屢稱病
緩期上惡其慢逮斬之再建秋報大齋朝天宮三日
夜倭犯海門副使張景賢擊敗之虜寇平虜城至山
西境官兵擊走之鄔景和在直當撰文辭不諳玄理
上不悅罷之時醮清馥殿景和方進香聞命遂趨出
醮成上賞諸臣銀幣景和與景和言臣無功受賞請
許臣辭它日將劾褫革銜環以報上大恨其不祥曰
褫革銜環願君耶黜爲民十月虜盡銳攻龍王谷輒
堞兒日數十進我軍憑牆擊之虜被傷轉攻沙嶺狐

山口俱不克遂薄攻古北口及平虜衛薊鎮牆警報日數十至使覘之則薊遼總督兵部左侍郎楊博方擐甲登埤宿止古北口垣上總兵周益昌率將士圍牆甚力上大悅遣使者齎白金萬兩以厲士賜博益昌服色衣人一襲博夜遣死士斫虜營虜驚遯博以聞上曰彼醜視我若戲輕去來雖遯備毋怠是時虜以六萬騎寇山西三關總督侍郎許論擊却之亦捷聞上論嚴嵩曰爲政在明賞罰近各總督鎮巡官戮力堵賊懼失事法不貸耳然不可忘備通虜者妖賊呂鶴就擒論宣大山西諸臣功有差海賊犯潮州指

揮黑孟陽引舟師殲之建秋報醮典洪應壇七日啟張經爲右都御史兼兵部右侍郎專一總督軍務勉期平倭經奏調田州東蘭那池南丹歸順等州狼兵永順保靖二宣慰司土兵助戰從之上曰今歲諸鎮連有斬獲虜遭挫不能入犯皆仰天祐其告謝郊廟社稷先聖帝王十一月舉謝玄大典內殿論薊鎮宣大守臣禦虜功大陞賞冬至羣臣望朝奉天門修景慶玄脩醮於西苑九日倭犯松江據柘林復犯嘉善轉掠嘉湖二府都指揮劉恩擊却之十二月禱雪各宮廟京城內外盜起雪未應禮部請再祈上曰朕欽

玄膺佑今夏秋雨水雖多已苑田嘉禾特出五穀之精乃寶也茲不敢要速效于神其兼舉祈報典焉

三十四年正月丁酉朔命朱希忠攝拜天玄極殿羣臣望朝奉天門柘林倭陷崇德轉攻德清二月虜分寇宣府懷來龍川門城等處工部右侍郎趙文華致仕侍郎朱隆禧各上陳備倭之策文華言七事其一請祭告海神隆禧請增置巡視浙福都御史一員并開互市禁兵部尚書聶豹覆上文華疏有寢有行格隆禧不覆奏上諭嵩南破北虛倭尤甚本兵若罔知者文華隆禧疏不比泛奏當有依准卿其集部科示

之抑令豹自以忠猷告祖宗養教恩深豈可怨讟時君忘先聖大德豹震懼請罪因言文華疏臣業覆上隆禧之議若增設巡視則見謂官多擾民開通互市則見謂示弱外醜是以不敢覆請上曰朕欲豹忠猷入告今何有其更悉心計對豹益惶恐上便宜五事上曰爾職本兵坐視賊欺不設一策平勦諭問乃汎對其降俸二級因奪侍郎溥等俸降所司郎中重二級外調之勅責張經亟勦賊毋使師老上曰大祈玄撰臣下有暗欺者程文德作可見今吏部以爲南冢宰豈彼謂朕奉不經欲自脫去其南調之爲工部左

侍郎文德疏謝上曰猶懷訕黜為民如趙文華請遣祭告海神兼視江南倭虜犯薊鎮參將趙傾葵指揮褚文明李德周官千戶黃世勳段啓百戶孫世爵等皆死之賜祠祀贈廕有差建大祈歲典六日上諭在直八臣曰吏兵二正祖宗朝常慎其選矧今中外多事兵正或衰卿等評之豹引疾乞休上特命閑住去下吏部別推吏部舉許論楊博上諭嵩曰是官須得精健者論亦衰博可三月建祈年醮洪應雷壇七日建神應軒于西苑上曰朕奉洪應祈典之中辰下役不敬以是不無欺誹者豈可諉為數有而快其謗志

復啓壇脩七日毋怠蘇松兵備副使任環以舟師

擊倭南沙勝之

任環字應乾潞安人舉進士知廣平沙河滑三縣陞蘇州府同知嘉靖癸

丑倭寇東南是時天下承平久吏民不知兵革賊至輒奔以潰環獨訓練所統民兵與力戰躬介胄策馬先之自書姓名於腹背手足曰死戰吾責也雖然先人遺體則不可棄茲用以識庶得收葬焉聞者感泣環又與其兵同寢食或連日夜粒米不入口或露宿草莽植立泥淖中未嘗稍自異所得俸直及諸上官之牢醴悉分與其兵繇是兵亦日奮敗賊於上海之入團方戰時寇拔劍擊環賴庖人身蔽免然猶被三創既而守太倉以積勞疽發背環子請環還郡就醫環叱曰吾誓不與賊俱生幸吾疾愈而賊滅否則有臣死忠妻死節子死孝而已歸以是語爾母吾不能泯泯沒與婦子對泣幃榻間也會報賊至環畏窘出海擊之怒濤如山舟人皆震眩失色環意氣彌厲手劍麾舟師擣之賊大敗俘斬百餘未幾又敗之陰沙敗之保山敗之南沙賊望見環旌旗輒遁去捷聞擢山東按察僉事整飭蘇松兵備甲寅賊犯蘇民爭走

入城聚保門鑰民相抱號哭聲震原野環亟命啓門日賊入者某請任責活以數十萬人明日賊至計敗之葑門乙卯賊復大至復大敗之斬首六十餘級詔進副使賜白金文綺縻一子副千戶世襲丁母憂部使者及諸士民連疏起環詔贈環母爲孺人起之蘇環不得已受命明年倭寇平乞終制報可仍陞山東布政參政以旌其功又明年丁嫡母

憂居二年卒年四十贈光祿寺卿

四月封荆世孫

翊鉅爲荆王岷世子定燿爲岷王田州土官婦瓦氏與東蘭等州各領狼兵應調至總督張經使總兵俞大猷湯克寬分領之會趙文華至方銳破倭狼兵會數請戰一敗於漕涇再敗於金山而文華意尚銳直謂倭易平數趣經以狼兵戰經念欲待保靖永順兵至與犄角圖萬全謂兵事秘不輕語文華文華怒上

言經玩寇殃民今獨臣與巡按御史宗憲時時在行間也頃之永順保靖兵至副使任環領保靖兵攻三丈浦倭於江陰村破之倭犯淮陽通州鹽城等處參政張景賢禦之狼山亦敗之虜寇青邊口宣府參將李光啓等率衆禦之兵潰被執奮氣大罵遂與指揮黃添祥尚真蔡隆千戶郝廉賈璽尚志百戶郭勳王承同死之詔賜祠贈廕有差五月柘林倭與新倭突犯嘉興經令參將盧鏜與俞大猷等領永順保靖兵分部水陸夾擊之遂大破之王江涇擒斬千八百九十有奇餘寇溺者稱是川沙窪倭出海流劫崑山縣

江北倭自日照流劫東安衛至于贛榆復至海州沐陽桃源諸處官兵殲之於徐邳而江北倭平倭復自海上大至流劫蘇常間王江涇之捷大捷也而趙文華所論張經狀已至上前上怒問嵩嵩對如文華指遂命械經及湯克寬于京師以應天巡撫都御史周琬爲兵部侍郎兼右僉都御史代之上曰鸞勾北賊旣刑經結南寇又作是隣哉之義耶經罪不貸文華發之是皆仰叩玄威其遣朱希忠分告于宗廟社稷神祇先聖有頃王江涇捷聞兵科都給事中用敬等言王江涇首功千計東南用兵以來未有捷若此此

倭亡我奮之時未宜易帥正當令張經乘勝掃除之請姑召還錦衣使者再觀其成敗卽敗逮經未晚也上大怒曰張經欺怠不忠不文華奏不戰廝輩黨奸惡直沮法壞上其各杖五十發爲民已上心疑之以問嚴嵩嵩終陷經而稱御史胡宗憲與文華殺賊功爲請賞上曰令文華不言者又復失賊遂遣使賞文華宗憲令竭忠督討仰贊玄威柘林倭焚巢出海俞大猷等破蘇州倭於陸涇垣倭寇常熟知縣王鈇鄉官參政錢泮率兵禦之不克死之各予贈廕祭祠上曰故工部左侍郎郭文英出身工匠久竭勤勞今家

人乞祭葬其與之仍加祭壇上諭戶部龍涎香訪取十餘年矣不得分毫始梁材笑上曰載籍不紀則成祖作永樂大典僞乎其再求之海濱必得之六月倭從海上至犯上虞會稽破杭州流劫而西俞大猷遮洋擊三丈浦倭勝之賊遯海上之三板沙增調三廣選官民鄉勇羌土精兵赴浙直軍門并力擊倭江陰知縣錢鏞禦倭蔡涇聞死之子贈廕祭祠浙江倭還犯吳江俞大猷與參政任環擊勝之賊奔嘉興三板沙賊出海大猷復與任環追擊之馬蹟山勝之藝其餘賊上曰朕累言周琬不奈行陣今聞疾甚浙福捷

督都御史李天寵嗜酒廢事其悉黜爲民遂改南京戶部侍郎楊宜爲南京兵部右侍郎兼右僉都御史代琬陞胡宗憲爲右僉都御史代天寵賜給趙文華勅書關防令悉心督察軍務胡宗憲請遣人入海諭倭禁其部夷母入寇兼伺誘王直焉從之使生員蔣洲陳可願充市舶提舉以行上曰朕聞宣大二鎮米價踊貴北直隸山東河南麥熟其急倣昔人平準以濟民饑蔡涇聞倭至夏港鎮浙江副使王崇古擊勝之七月懸賞格購斬虜俺答把都兒辛愛等大酋及我叛人教虜者丘富趙全等倭自杭突至徽寧諸

縣入南陵蕪湖丞陳一道獨麾一軍與其僕子義死之江南倭大載舟出海僉事董邦政與俞大猷追擊焚之會颶作賊舟亦自壞賊還海港登岸劫掠新作玄雷居成南陵倭流劫至蕪湖進逼太平至南京城下以倭破杭州逮李天寵京師與張經湯克寬皆論死繫獄造盧溝橋成以陶仲文先獻萬金助工加歲祿千石八月倭自南京過秣陵關掠溧水柘林倭載舟出海僉事董邦政總兵俞大猷分擊勝之上爲壽奏示齋府曰今月十日小臣始誕躬覲大高玄殿前期三朝爲首節後三辰慶周啓建金籙欽承玉眷大祝七晝夜修設羅天寶醮三千六百分位仰惟父天保命母地育生底宗予以成仙賜愚臣而得道慶臻宗社禧衍家邦萬壽節命朱希忠攝拜天玄極殿羣臣望朝奉天門上曰近得徽王薦奏一道者獲太上之玄其賜徽王清微忠孝翊教輔化真人道號予之金印道者賜名通妙散人給三品誥命溧水倭趨宜興越武進抵無錫至潯墅關會柘林出海倭風飄之還登岸據華亭之陶宅鎮蘇松巡撫都御史曹邦輔恐潯墅寇與陶宅合督兵備副使王崇古集兵四扼之僉事董邦政與把總婁宇盡殲其衆於楊林平之

九月趙文華以不得濟墅之捷爲恨與胡宗憲自將兵大搗陶宅乃大敗賊益熾掩不言及劾邦輔邦政不進兵協攻趨易避難請亟罷黜之上下邦政總督都御史問治頃之巡按御史孔昭以陶宅之敗聞給事中栻濬先後言文華欺誕負簡命江南人稱邦輔功不容口文華嫉妬人捷自掩敗邦輔不惟不得論功且以罷黜請宜罪上竟不問命邦輔勦賊如故建秋報大齋朝天宮三日夜虜大入山西諸處總督尚書許論督兵遮擊之乃遯大同參將丁碧死虜予贈廕祭祠倭自海上至泊台州螺門都指揮王沛與參

將盧鏜盡殲之建秋報大典于大高玄殿七日虜入宣府犯懷來保安參將馬芳夜衝其營於東嶺大驚遁十月裕王長子生禮部請告郊廟社稷詔天下上曰生太孫則然可不待上命自爲禮其遣告玄極奉先二殿而已已羣臣疏賀上詰掌詹事府事吏部侍郎閔如霖辭意藏謗降三級俸罷其玄撰命嚴嵩再擇敬神而畏君者代之陶宅倭奔屯周浦曹邦輔督兵攻之敗績建祈報大典于洪應雷殿六日殺張經李天寵楊繼盛于市天下益惡趙文華及嵩父子十一月壬辰朔日有食之倭犯莆田千戶戴洪高懷德

張鑾皆戰死宣薊防秋畢兵部尚書楊博言今歲虜東犯遼東西犯山西宣府乃宣大總督許論等調度督戰斬獲至五百三十餘級薊州總督王忬等多方拒守制勝萬全皆聖德玄威所及請擇吉告廟社敘諸臣功褒賞之上曰上玄恩養不可欺背謝宜先天地謝已更奏脩玄典于朝天等宮廟抑邊臣防秋職也乃欲歲一錄若僱募者然六科官其會議之議上上曰將士親冒矢石有功賞固當督撫等官職調度當有爲國任事之忠何輒互相稱引槩請陞賚敘及多人以爲歲例豈政體者其姑與一歲繼自今必各鎮戰守功次須巡按御史閱得實兵部乃許請海上倭二千餘入川沙窪與舊倭合焚劫浦東一帶丙午望月食倭自海上來屯海鹽人家指揮徐行健焚滅之倭自海上來犯平陽倭自海上來流劫樂清黃巖仙居餘姚上虞會稽諸縣守備劉隆指揮閔浴禦之於謝浦死之倭犯興化千戶丘珍楊一茂死之已復犯福清海口泉州衛指揮僉事童乾震直奔其壘斬十餘賊亦死之皆賜祠其地襲陞其子二級冬至羣臣望朝奉天門閏十一月統領川兵遊擊曹克新邀擊周浦倭勝之賊焚巢出海副總兵俞大猷等追之

老鸛嘴又勝之餘賊奔上海浦東曹克新擊倭鏖戰于嘉定之高橋兵潰越二日復整而大擊之又復大潰敗倭犯上虞會稽者典史吳成器督衆勦滅之龕山官軍盡平之嵯縣十二月選練南京衛軍一千人使守京以都督段堂領之孝陵衛三千人使護陵以豐潤伯曹松領之名二營曰振武開礦四川山東趙文華擊賊無功謾言水陸成功江南清宴請還闕供本職許之山陝河南地大震壓死官吏軍民奏報有名者八十三萬有奇不知名者無數戶科左給事中楊允繩御史張巽言劾光祿寺丞胡膏侵牟多金下法司驗問膏以允繩謗上玄脩爲解上大怒詔逮允繩等送鎮撫司掠治鎮撫具允繩獄不及巽言上切責曰旨云等也如何脫巽言不治奪其俸皆下之法司刑部尚書何鰲等坐允繩儀仗內訴事不實者絞引例充軍膏妄費受贓爲民上詔廷杖允繩巽言允繩論絞如律頌繫之別降巽言於外任建紫皇殿成嚴嵩病上諭階本嵩病猶勉入直敬畏天敬畏君也茲聞其篤細邪之物快哉其傳示世蕃孝侍母怠虜犯神木參將楊璘死之賜贈廕立祠

三十五年正月辛酉朔命朱希忠攝拜天玄極殿羣

臣望朝奉天門賜直臣衣曰卿等直侍朕家娛亦廢
它等猶不遂心孰非臣耶我下諭元輔計立帝建儲
我須閑元輔駭生疾天不可違我且止衣非正賜少
禦春寒焉守備王倫等扼倭曹娥江追殲之於三江
調河南兵禦倭令浙江練鄉兵二月以山陝河南地
震勅戶部左侍郎鄒守愚往祭其山川社稷城隍及
所在帝王陵寢領白金四萬從便宜賑之舉大祈歲
典七日趙文華還上言臣還時大都南寇已滅獨零
賊未盡殄耳上疑其誑數問嵩嵩爲支吾對文華因
言南寇所未盡滅者坐督撫楊宜不稱獨胡宗憲可

代宜易置宜用宗憲上然之會御史惟中劾問詔罷
之宜罷吏部尚書李默推南京戶部右侍郎王誥以
代文華旣被上詰問因謀告許自解上言宗憲才實
可用尚書默故與臣異同臣劾張經經屬默同鄉思
爲之報復臣論曹邦輔默黨留之東南寇至未解皆
繇默不奉公推賢致是因摘默部試選人策目有引
漢武唐憲事實擬上懷謗訕上大怒下禮部三法司
及科道官皆覆稱默褊執失大臣體策目所引尤不
宜言上以其黨護切責尚書王用賓等各降俸三級
下默鎮撫司考訊刑部尚書何鰲遂坐默比子罵父

者律絞上曰律不著臣罵君謂必無也今有之矣其加等處斬錮于獄因黜宜爲民逮治曹邦輔以胡宗憲爲兵部左侍郎兼都察院僉都御史總督浙直軍邦輔竟坐戍默從獄中咽金死三月命大學士李本暫掌吏部事是時嚴嵩子世蕃專恣貪婪政以賄成趙文華一出江南之公私匱竭刑賞倒置士論惡此三人已甚嵩慮有它故欲排鋤其異已者本承嵩指上言近者當事用人遷擢一出貨營賢否盡徇愛憎以致庶績日隳南北多寇雖陛下焦思於上屢更數易未有能分主憂者兩京大小九卿及在外督撫諸

臣臣不識忌諱欲爲陛下分別其人定擬去留以請許之本因列諸臣爲三等吳鵬趙文華嚴世蕃陸炳馮天馭何鰲沈坤等二十八人爲上等鄒茂卿徐履祥趙貞吉等七十人爲中等楊行中葛守禮艾希淳郭銓陶邦脩等十有五人爲下等上皆如所擬已復命一體考察兩京科道官以聞卽亦皆如本請諸御史考察無害者人杖四十乃畱之遂加本爲少保兼武英殿大學士以工部尚書吳鵬爲吏部尚書鵬舉趙文華自代從之仍加文華太子太保以賞訐發不臣功以國用不足推廣入貲之路建祈年禱雨醮于

洪應雷宮百官素服辦事如脩省賊西徐海擁諸倭復大至分數道入自浙東西至江南北彌滿海復導柩林賊陳東所部數千人逼乍浦焚舟登岸人各殊死戰倭入古田指揮使劉焮副千戶王月死之賜贈祠四月停刑止屠以禱雨雨降上悅嚴嵩率百官表賀倭破慈谿殺温州同知黃釗軍民死者亡數予釗贈廕祠死所倭犯鎮江瓜儀等處大燒漕糧江北倭流劫至圖山無爲州同知齊恩率其子尚文嵩及其家人擊敗之遇伏力戰死倭復攻破慈谿餘姚省祭官杜槐死之皆賜贈廕有差俞大猷董邦政擊倭寶

山勝之佐擊將軍宗禮以河朔兵九百人擊乍浦倭萬餘於崇德三里橋三戰三勝之徐海氣大阻會橋陷軍潰禮與鎮撫侯槐何衝忠義官霍貫道皆死之皆廕敘有差建謝雨典于雷宮三日上曰今大小官以私情乘空銓除無數侍上者十百人中乃一二侍讀訥修撰春芳供撰久勞其俱陞爲翰林院學士右春坊右中允份文學可稱令入補撰文重玄事焉五月倭乘勝燒劫桐鄉圍之浙江巡按御史孔昭請簡才望大臣一人督兵應援且以爲南京保障從之勅兵部右侍郎沈良才兼都察院右僉都御史行上故

數以江南倭詰文華至是復諭嵩令文華具舉倭實情對嵩知上覺其欺教文華自以其意請復視師嵩從中爲言收良才之命命文華總領涿保定河間及河南山東徐沛等兵以往懸勸借賞格以備倭上曰古禮因事索鬼神焉南北欺犯其遣大臣祭告于郊廟社稷行禮樂歌五成用牲倭自慈谿入海聽撫賊毛海峰等助官軍追擊之魚山胡宗憲使人說下桐鄉賊徐海與陳東自攜乃退屯乍浦桐鄉之圍解遣通政王槐取礦玉旺峪益王厚燁薨勅建真武殿於齊雲山六月造帝真殿倭劫湖州等處蘇松倭遂出

海總兵俞大猷追擊大敗之浙江倭陷僊居趨台州副總兵盧鏜等擊勝之虜三萬餘騎犯宣府遊擊張絃迎戰死之一軍盡沒中軍官陳徭千把總繆策陳鎮張瑞等俱死之賜贈蔭有差開礦河南嚴嵩再滿九年考獎勅賜宴蔭一子七月建延生典高玄殿五
十日取中庫銀十萬爲內供獻西苑雙穗穀於太廟徐海擒陳東等以獻海自退營梁莊以其乍浦巢我我軍大破平之八月以徽王載堉不法追收故所賜其父恭王真人印萬壽節命朱希忠攝拜天玄極殿羣臣望朝奉天門舉承恩大典于內殿陶仲文顧

可學皆言芝入藥可壽命分採之玄岳龍虎鶴鳴三茅齊雲及五岳諸山上曰當職者怠龍涎香多年訪求未得故所遣廣東福建官記其罪趣之更遣一官求之於雲南上曰芝與香亡論臣民得者許自獻死平民誠獻芝五本賜銀幣胡宗憲大集保靖河朔永保兵進勦徐海於梁莊大破之海沉河死而倭寇盡平上曰玉旺峪所進礦銀轉勝於初可仰承天地賜吏訪採諸未開之場顯金玉露形貽太上玄風焉戶部臣言聖德敷被帝錫佳寶不宜壅闕無用之地請如旨宣示四川山東河南有司以稱天地降祥及聖

主足國裕民之意報可九月虜入遼東指揮劉洪臣千戶黃相李承宗百戶管振死之廢徽王載瑜爲庶人禁高牆除世封載瑜自殺杭州大火燔民舍三千餘家上曰冬寒可念禮部止採芝民毋行禮部臣言臣向未敢請今敢不如詔上曰爲近畿者耳玄岳諸山採如故母後舉秋報大齋洪應雷壇七日以倭平遣祭告郊廟社稷帝王神祇受百官表賀論平倭功十月丙戌朔日食御醫果進玄岳仙芝賜綵幣虜十餘萬駐牧大同邊外分入犯參將孫朝張環等擊却之倭入詔安縣播州苗賊盧阿項等平十一月虜十

餘萬入遼東廣寧塞總兵殷尚質率遊擊閻懋官等禦之亡其卒千人力屈死皆賜贈廕祭祠上曰元輔嵩年七十餘忠順罔怠朕心弗安其免廷賀苑直賜腰輿建景圓一陽二典于萬法殿十四日冬至羣臣望朝奉天門兩廣督撫侍郎談愷討平洞賊陳以明論功有差虜十萬屯青城分犯一片石三道關諸處總兵歐陽安拒却之十二月山東賊楊思仁平追贈許達三代祖父賜誥命獻陳東之俘虜犯環慶等處都督僉事袁正等率兵拒之俞大猷擊餘倭之駐浙東舟山者大破之倭盡平

名山藏卷之二十七

臣何喬遠恭輯

典謨記

世宗肅皇帝

三十六年正月乙卯朔命朱希忠攝拜天玄極殿羣臣望朝奉天門上曰景元祝典已詔諸司停封札日頃者朕受寒侵仰事上玄禮不可減其增脩七日展日而致敬二月虜入大同破拒胡堡南犯威遠平虜天城等村堡三月建大祈典于大高玄殿歲祈典于洪應雷宮各五日宛平民道等進靈芝賜布絹人五

匹巡按河南御史昭進五色芝二十八本上曰芝五色仰承天恩其進御虜寇延綏總兵陳鳳死之賜贈廕祠死所虜犯大同指揮楊汲百戶李潮死之皆賜廕四月虜大入永平遷安等處副總兵蔣承勛力戰死之越二日出境總督薊遼兵部左侍郎右副都御史王忬以聞兵部覆奏上曰虜殺掠近畿諸臣來不能拒去未見追爾等不從實參治顯有同遮之情其命御史覈之已御史惟平覈上上曰賊非時入犯既預偵之矣乃今苟利去王忬誇張力戰忠心大不如初姑降爲右侍郎兼右僉都御史懲欺怠焉因降革

它諸臣有差而予承勛祭葬贈廕祠死所火星逆行二舍勅諸司脩省禳于洪應雷殿崇王載境薨丙申奉天殿災華蓋謹身二殿文武二樓奉天左順右順午門一時燬火兩日乃息羣臣疏懇報曰天垂無前異朕戰懼若涉大淵罪在朕躬尚敢他飾子職畏親惟有感眷爲順壬寅詔曰朕惟皇天畀命暨二親貽慶入奉大統三十六禩于茲矣曩大遭無前之內變荷天恩赦祐以復生刻感難名身命是愛但賴臣勞之一語原非虛寂之二端天心朕悉朕忠天鑒昨因時旱禱澤于雷霆洪應之壇方喜雨膏隨有雷烈正

朝三殿延門及廊一時燼焉仰惟仁愛之篤垂總屬朕躬之咎重下茲罪已用示臣民凡在位者首體相關敬畏宜同未可肆幸樂之心要當竭國民之念共圖協恭勿乃我棄倭復至南通州攻城不克分犯如皇泰興復有倭乘七艘自金沙登岸以殿災舉高玄大壇典五日倭至揚州進犯高郵金沙倭犯如臯至泰州諭禮工二部曰朝堂無不復之理當仰天慈勿或賣直爲忠狃時作敬其先作朝門午樓焉五月泰州倭犯揚州高郵倭犯寶應入之揚州倭犯天長入之復入盱眙清河皆燒劫而去遂侵淮安府入劫安

東縣六月參將劉顯擊倭安東敗走之以財誑裁官吏冗員上諭禮部曰殿廷之災不及大內上天恩宥朕當祇戴其舉醮乾清宮九日諸司停封如例停止陝西採礦取中庫銀十萬備內供七月封益世子厚炫爲益王詔順天府買辦珍珠并下廣東開採各四十萬顆有奇八月萬壽節命朱希忠攝拜天玄極殿羣臣望朝于端門總督都御史胡宗憲進鮮芝七十本巡撫福建都御史阮鶚一百四十本巡撫江西都御史馬森一十六本以賀壽上諭吏部曰直贊撰文公希忠歲加祿百石伯承裕加少保都督炳少傅輔

臣嵩兼支尚書俸階加少傅本兼太子太傅尚書山
加太子太保侍郎朴瓚煒各加太子賓客仍與二品
服色除侍講二字學士訥春芳份各陞太常寺卿兼
翰職如故示嵩毋延謝上已稍聞趙文華視師江南
黷貨殃民狀至是責建朝門甚急欲以觀於述職之
臣四夷之使文華不能即奉旨滋不懌文華故拜嵩
爲乾子嵩告上曰師生屢爲言至是上諭嵩曰日以
望之夕召工部入理門樓木備建造乃諉諸未敢曰
未勅無專責者大臣不任事可見文華志不若昔今
聞其病生不諭責之不早成嵩計之嵩未知上意言

文華連歲視師致勞疾工正事繁請欽命專責者更
增設一侍郎佐文華部事從之文華隨上疏請假上
特命回籍養病以刑部尚書歐陽必進代之丁未興
重建午門工上曰人君百爲萬用靡匪天也我皇祖
名門奉天義取爾然已身坐之未安耳今兩蒙災示
決不可復禮部其集議門名聞是月晦日趙文華子
錦衣千戶恩懌上疏請送文華還家上建萬壽醮故
命停封盡八月而恩懌以是日具疏意計徹御在來
月上察而惡之九月朔上曰文華濫殺無辜生命朕
大宥之以少寬任事之臣而勸後者朕吉脩停八月

封累論矣。廝恩懌未盡。八月疏病告好。欺褻也。文華姑革職。爲民恩懌。削官邊戍之。因責禮科都給事中江等不參舉。皆執杖之。斥爲民下文華。視師江南。諸不法狀示嵩。曰：卿勿以弟子爲意。嵩佯驚惶恐。對乃罷。是時中外鼓舞頌聖。斷禮部類奏五岳及方內名山所獲芝凡千本。有奇殺口外民沈鍊。廕宣大總督都御史楊順一子爲國子生。上曰：重建明堂。事義至大。天神垂祐。葦可久也。何必曰楠杉堅。朕聞正德中視乾清工者不自謂怠。乃曰：皇兄在豹房。令無亟朕。久不臨朝。臣下欺上。恐亦爾咎。凡在臣民。竭力盡忠。

必速之。毋以待殿材爲解。取太倉銀十萬爲內供。十月建秋成報典于大高玄殿。五日再詔採芝于四方。故禮部左侍郎朱隆禧卒。家人請祭葬。禮部執弗與。上曰：隆禧調護朕有功。所進方藥香衲。至今在御。其特以恩許。勿爲例。上親告經始殿。延于大高玄殿。而舉典十一月。蔣洲說王直自倭至。胡宗憲誘擒之。直餘黨驚叛。據舟山阻岑港。自固虜擁衆數萬入大同。右衛抵應朔懷馬一帶。攻破七十餘堡。殺掠甚衆。巡撫大同都御史朱笈以聞。命革總兵龔業職銜。降笈俸三級。使巡按御史路楷覈實。總督楊順功罪以聞。

順懼賂嵩父子自解以大光明殿成及景命修報遣祭告朝天六宮上曰是典禮特隆重者諸司其停刑止封吉服葭事自是日至于來月之朔毋怠毋欺冬至羣臣望朝于端門興建大朝門工虜酋辛受黃台吉夷婦桃松寨私通其部日懼誅來降楊順納之辛受怒大掠大同塞圍右衛城請歸趙全丘富者易婦順送與夷婦辛受竟不歸全富圍右衛自若十二月祈雪朝天等宮廣東扶藜葵梅諸山峒賊馮天恩李汝瑞等平山西平遙賊田武平以水災免遼東諸衛所稅糧預發太倉銀五萬優卹之

三十七年正月庚戌朔命朱希忠攝拜天玄極殿羣臣望朝奉天門光祿寺火上曰天火也自馬從謙以來邪黨日多茲其應矣下大官署正焰等於法司黜爲民虜圍右衛益急城中困甚上大慮之命發帑銀十萬賑濟雪嚴嵩等疏賀嘉答之倭犯潮州鄞縣散官王金聚芝爲山以獻曰仙應萬年芝凡百八十餘本有徑尺八寸者上悅賚金幣建首祝景度吉典於內殿九日御史路楷勘應朔報命言虜至楊順率諸將鎮等擊敗有功罪在朱笈龔業嵩爲言於上而順又得廕一子鎮等陞賞有差二月懸大工開納例有

錦衣衛匠餘岳輸金二千三百乞陞兵部奏授本衛指揮僉事子孫襲一輩兵科都給事中日新等言國家錦衣之職比古吾賁非特恩不授無異功不襲縣官卽急財何至藉一工匠餘資濫朝廷名器上善之命改岳千戶奪兵部司屬官俸三月右衛急內賦匱竭戶部尚書方鈍憂懼不知所出乘間陳帑藏空虛狀因條便宜七事上曰鈍所議第可備將來安見有爲國憂思之忠可爲右衛應卒者鈍惶恐謝因命發太倉庫金五萬及紫荆關新城倉浮圖峪客兵米豆三萬石於大同以濟之建大祈典于萬法殿九日三

月上日右衛危在旦夕朕甚念焉邊臣屢求糧餉戶部不時給好怠視也工部其暫贖工資贓罰等銀五萬於右衛二萬於薊鎮兵部發馬價銀一萬於宣府急濟之九卿科道官曾任巡撫二司及有司習知各省錢穀有可設法計處者各明白條奏大同戰守事宜及文武官有宜更置者兵部亦詳議於是別調朱笈龔業陞山西副使楊選爲右僉都御史代笈改山西總兵張承勛爲大同總兵代業蜀王承燭薨刑科給事中吳時來言總督宣大侍郎楊順莅鎮以來所請帑銀亡慮三十餘萬而該鎮兵食日見羸虛虜披

猖時往往殺愚稚民報首功不能一矢効尺寸納虜
逋婦論矜自多黠酋脅索取以予之失體損威臣民
歎憤而御史路楷受順賄金秘不以聞去冬虜屠應
州堡七十男婦死者千計卽楷初疏亦云及奉命勘
覆則爲之諉責守臣以所殺邊民侈爲順功兵部尚
書論雷同附奏濫予世廕無章甚矣夫近者大同右
衛上軫聖懷而當事之臣朋比不忠交相欺肆一至
於此臣誠恨之願陛下下一大創此三臣者上密問嚴
嵩嵩比之上特命逮治順楷權代以兵部侍郎江東
因黜論爲民代以故兵部尚書楊博并改戶部尚書

鈍於南京代以刑部尚書賈應春遼東大饑人相食
預發太倉餉銀五萬優卹之建二祝景度吉典於內
殿九日御史儀望給事中祐言福建提督阮鶚獵取
浮譽以得美官行部所至幃帟盤盂率緣飾綺繡珍
寶日集金工鍛鑄壘卮修京師問遺倭入任其出沒
則加派繇賦遺金繪舟輿送之出境而已臣恐其罪
不止罷斥上大怒械治之京師旣至黜爲民上曰今
右衛困極朕聞城中將變爾東用心急處毋諉諸權
代總督不待再推卽暫以尚書博往任之御史萬民
英奏臣巡視薊鎮見牆子嶺白馬關一帶邊牆皆苟

且倖成旋卽圯壞以故虜得乘之蓋今兵部侍郎吳嘉會故任巡撫時所築乞按覈錢穀之數論冒破罪上命錦衣先逮嘉會下獄遣科道官往按之已黜爲民虜寇永寧薊鎮宣府相繼告急命聽征官軍還營操練以備京師而少緩殿工之役詔恤京商刑科給事中吳時來刑部主事張翀董傳策交章論劾嚴嵩納賄誤國狀上曰時來所言順楷已行之矣彼本譏朕事玄怠政故先攻一二遠臣次及輔首必有主使同計之人錦衣衛其與翀傳策逮送鎮撫司訊究之已三臣百掠不承讞上俱發充軍嵩乞罷上優詔不

允四月楊順路楷逮至刑部尚書鄭曉論順死楷爲民因奏時來言楷受順金須勘證有則罪不止削籍上命繫順楷獄命兵科給事中鄭茂往按之海上倭大至犯台溫諸處及福建沿海府縣以右衛圍未解復黜朱笈爲民禡龔業職下御史問之虜困右衛益急上數問大學士嵩嵩意欲棄之不敢顯言上益命措餉發兵前後動發太倉之儲數十萬計使兵部左侍郎閔煦兼都察院右僉都御史督救之以遼東大饑出戶兵二部庫銀三萬發賑胡宗憲得白鹿於舟山以獻上悅賜金幣禮部請告廟受賀上曰今奸臣

叛民南北勾賊本謗我事玄天眷賜瑞固非一獨宗
憲人心不泯以此進耳其命希忠代獻太廟表賀已
之裕王妃李氏薨不稱薨曰故禮如壽定王繼妃吳
氏喪江東楊選張承勛大集主客兵嚴部奪右衛圍
虜悉拔帳北遯圍解上徵東還賜二品朱衣一襲論
選等功有差命楊博廣賑卹繕墩堡練丁壯計善後
畧從便宜具奏建景命瑞典於御仙宮九日倭攻福
清破之執其縣令舉人陳見率家僮禦倭不克與訓
導鄔忠涵被執罵賊死祈雨禳風於內殿倭攻惠安
縣知縣林咸率丁壯禦之五晝夜乃引去逐之死于

鴨山五月倭焚掠南安縣建三祝景度古典於乾光
壇五日福建倭出海口港參將尹鳳等引舟師擊勝
之六月倭分犯興泉漳諸府攻福清南安二縣破之
遣督造麓噐三萬於江西以備醮壇之用浙江倭分
掠樂清永嘉諸縣指揮劉茂朱廷綸千戶周賓李爵
劉源死之鄉官致仕僉事王德赴以義兵亦死之賜
德贈祠祭廕茂等皆襲陞其子二級新建朝門午樓
東西角門左右順門闕左右門成權名朝門曰大朝
門建壽明殿於內苑七月建景祝古典於大光明殿
七月初上從總督尚書楊博請以薊鎮一衛兵聽宣

大調遣總督侍郎王忬執奏薊鎮古北諸口川原平曠無險可守獨恃入衛卒擁護陵京奈何聽它鎮調發上曰故有旨令薊鎮練兵畫區守今八歲矣幸虜不至卽一卒不練每遇秋防專倚調發頻年遠戍糜糧餉歲復一歲何時已也兵部其遣一郎中與巡關御史閱數以聞遂命郎中唐順之往修景度四祝吉典于內殿十四日以岑港海寇未平奪總兵俞大猷參將戚繼光職級令胡宗憲督勦之封崇世子翊鏞爲崇王閏七月西苑進瑞穀獻廟受賀賜督理農事戶部侍郎高燿金幣楊順路楷之被逮也獄成矣所

遣鄭茂特按其受金一事耳至是茂還言楷受順金雖無證要吳時來言皆是順楷宜重比先是順楷相比爲奸朱笈不與聞也桃松寨之事笈順大左順等譖之大學士嵩別調笈笈未及代而順楷已被逮人皆以爲快嵩心醜之笈黜爲民未慊也方順楷逮時上怒嵩不敢解故示意刑部尚書曉請令茂出按以緩其獄及是茂還報上怒解曉乃阿嵩變其獄辭更免順死論戍楷降邊方辭挿入笈逮之亦坐以順所坐於是物論大譁嵩父子胡宗憲再獻白鹿于齊雲山上曰一歲二端天眷非常命告謝玄極殿太廟以

宗憲忠敬陞其俸一級百官表賀大朝門旣成放休
工匠以來歲冬隙舉殿工焉禮部請賀上曰朕仰荷
天簡以宗人入承祖位非它所爲欺我之邪初則奪
親誣天至今尚非一二近二藩作逆無君去年火燃
朝堂不臣者方相慶自得謗我事玄廢朝信方士近
佞臣也何賀之爲以壽明殿成及聖旦屆期建祝延
典於內殿停常封盡八月建大齋朝天宮三日夜八
月萬壽節命朱希忠攝拜天玄極殿羣臣望朝大朝
門虜犯永昌涼諸州圍廿十四日乃遁庚申月食虜
犯宣府赤城等處遊擊董一奎等帥兵禦却之把總

馮尚才戰死九月上諭嚴嵩曰古人三十卽求補益
况年老氣衰太上孔子皆示人以妙不可違焉人元
之丹比金石勝卿當服之建秋報于萬法殿九日唐
順之閱視薊鎮還報命上曰各區缺兵至三萬不補
且一卒不練督撫官何職也王忬及總兵歐陽安其
各降俸二級令嚴督將領取見卒實練之歲以五月
奏請遣閱視期以三年有成不則科臣參劾之十月
岑港倭巢柯梅胡宗憲屢討之不克南京御史珊等
劾宗憲私誘王直老師縱寇濫叨功賞請追奪之上
下廷臣集議其去畱議上卽手答曰妖逆賊直罪浮

賊全富本宗憲計獲之會彼奏上玄瑞小人嫉功遂爾有言朕下諸疏付丞弼議擬用存公論乃亦不分是非明功罪也宗憲其用心平賊如舊副簡眷焉未幾宗憲上疏自辨上報曰卿討獲妖賊人所皆曉特以獻瑞故人不取指引特引軍事害卿耳卿宜竭誠展布以平餘氛不允所辭禮部類進四方芝千八百六十有四本詔更廣求徑尺以上者命唐順之往視師浙江與胡宗憲協謀勦賊泗水湧出大木一命昇京造殿東虜大寇遼陽清河等堡總兵楊照副總兵劉岳帥諸將分擊勝之西虜亦擁衆瀋遼外聞我兵

既東乘間深入照復馳赴之虜亦引去北虜王蠻萬騎薄界嶺口建昌副總兵馬芳禦却之虜更分掠邊山等處把總馮時雍死之其明日虜還奔界嶺口芳及總兵歐陽安等力戰敗之論功卹錄有差十一月冬至以夜寒賜執事郊壇官金幣明日百官望朝大朝門柯梅倭駕舟出海總兵俞大猷等自沈家門引舟師橫擊之倭遜入閩廣問勅三法司曰刑以弼治當則氣協麻祥自至否則上干災沴生焉是以古帝王及我祖宗罔不慎斯朕固本祈天爲民造福矜卹庶獄惓惓於懷何近年以來司獄失人深文鍛鍊

甚或賄囑顛倒是謬近安陸幼男一魁二命在刑母
又被捉情無所告遠叩朝扉以一推之豈止百數爾
三法司宜體朕心多思矜卹都察院通行撫按申飭
司府州縣省改前愆天地神祇照鑒在上惟公惟慎
自能保祿而昌後如不恭命明法幽譴必不一追欽
哉丙戌上親禱雪洪應雷宮丁酉雪羣臣表賀十二
月初命都察院歲差御史一員稽劄光祿寺錢糧月
籍支費進覽

三十八年正月癸酉朔命朱希忠攝拜天玄極殿羣
臣望朝大朝門倭千餘人突犯饒平海豐攻破黃岡
城流劫海陽潮陽惠來等縣以大學士嚴嵩年八十
賜肩輿直苑支伯祿嵩辭詔歲給祿千二百石如先
朝兵部尚書靖遠伯王驥故事贈集鄉兵殺倭者永
嘉縣良醫王沛爲太僕寺丞予祠贈廕二月建春祈
典于朝天宮歲例祈年典于大高玄殿各三日丁巳
月食廣東倭犯詔安漳浦虜酋把都兒等率衆數萬
進逼三屯三月入潘家口自遵化東掠至遷安薊州
玉田屯五日乃去逮繫總兵歐陽安等九人論死停
總督薊遼保定都御史王忬俸降順天巡撫都御史
王輪二級外調之遵化民張應相李朝舉李梅張冲

靈張德寶汝揖麻鑑等力戰死虜子贈官廣東賊流劫歸善等縣倭自象山犯浙西副使譚綸擊敗之倭既遜入閩廣間福建人大譟謂胡宗憲嫁禍於闕宗憲參論總兵俞大猷不感倭柯梅坐令得奔毒兩省間詔逮大猷京師治之戊戌親禱雨雷宮辛丑兩百官表賀告謝六宮廟倭犯崇明四月掠揚州海門等處裕王長子翊鉞薨進封爲世子祭葬如世子禮倭大入福建沿海諸郡攻福安破之江北倭趨通州總兵鄧城禦之敗績指揮張谷死之倭遂進據白浦鎮巡撫貴州都御史郭翀擒得普安賊李昂等論功

差副總兵盧鏜攻北倭于三沙勝之福建倭圍福州城參將黎鵬舉擊勝倭于海中刑部左侍郎楊大章告病上疑其詐命太醫院官驗實乃放還先是江北副使劉景韶擊白浦倭三勝之倭大聚其衆謀西犯揚州景韶復追殺之潘家莊而通州倭盡平倭大屯廟灣合攻淮安巡撫右都御史李遂督參將曹克新等大戰于姚家蕩大敗之餘倭仍保于廟灣上悅賜勅獎遂劉景韶追擊倭于印莊乘勝追擊于新州焚之新河口而江北流倭盡平以唐順之爲通政仍與胡宗憲共事盜火太原公廨五月倭犯寧紹台溫是

時江北倭惟廟灣大屯未平李遂環攻以困之唐順之以爲玩寇持兵先軍我兵死傷甚衆倭繇福州圍燒劫同安縣巡按直隸御史方輅論劾總督都御史王忬虜屯會州已有謀報忬身任總督重臣所當居中調度令人力捍之潘家口要衝乃信詒言輕舉東援虜騎已西我及東阻復縱中軍私調將官更虜主令人馬奔疲節制失策宜亟黜爲民上曰忬官久怠賊其逮治之京師代以總督宣大山西兵部尚書博既逮至下鎮撫考訊法司當忬罪戍邊上曰諸將皆斬繇軍令指揮之誤出令者顧不治擬律如此耶

下獄論死倭攻永福破之福建山賊突劫永平泰寧龍巖歸化等縣永定知縣許文猷汀州通判郭子進督兵勦平之裁冗官更建玄聖五龍亭廟灣倭被圍日久劉景韶載葦焚舟嚴兵逼之賊潛出海遯而江北倭盡平大學士徐階滿九年考改吏部尚書賜獎勅六月親祈晴洪應雷宮詔百官齋三日以陶仲文八十遣使存問加官其子與五品服俸虜犯宣府東西二城住內地旬日乃引去丙寅雷擊奉先殿外南西牆七月命總督倉場侍郎具銀庫出內之數每兩月進覽三沙倭繇海門縣七星港突犯江北參將丘

陞死之子贈廕襲祠劉景韶擊七星港倭于揚州火
之賊宵遁八月京師大霖雨祈晴于雷殿萬壽節命
朱希忠攝告天玄極殿羣臣望朝大朝門李遂獻白
兔二告太廟甲寅月食雲陰不見副總兵劉顯破江
北倭于白駒場盡殄之遼東饑遣御史齎太倉銀六
萬兩名糴賑給之九月修顯陵及飛龍等殿工成建
秋報大典大高玄殿十月設廣陵縣以瑞雪及秋祥
疊降詔法司停刑太玄都殿成十一月許朱熹裔孫
以博士奉祀婺源者世襲建一陽欽天寶典大高玄
殿九日冬至羣臣望朝大朝門改陝西州屬渭南醴

水隆德洵陽石泉沔諸縣隸府十二月辛丑親禱雪
內殿雪上悅百官表賀贈故蘇松兵備右參政任環
爲光祿寺卿祠蘇州廕其子名揚博還特加秩少保
三十九年正月丁卯朔命朱希忠攝拜天玄極殿羣
臣望朝大朝門建啓籙迎恩典大高玄殿二十五日
虜犯宣府洗馬林等堡副總兵馬芳拒却之盜入泰
輿二月舉歲祈禋典大高玄殿三日胡宗憲獻上王
直獄命梟示之浙江兵部議擒直賞上曰玄祐也不
奏謝人心歟命告玄極寶殿而論宗憲等功有差修
都城總兵徐仁等擊虜舟山勝之上曰財用今不若

祖宗時何也朕覽戶部所上籍入少出多嵩其與尚書坤議之何有長算可得充者修祈年典洪應雷宮七日故春坊中允郭希顏上書請分封景王以安儲貳疏引往歲聖諭有建帝語上諭嵩曰立子爲儲是矣帝當誰建耶今不忠之臣不義之民不言君而攻相以君相久位矣朕欲下希顏疏於諸大臣則謂大臣諛也其下議之耳目官於是禮科都給事中璧等議上坐希顏妖言惑衆律卽其家斬之傳首天下以水災賑順永饑民倭劫潮州三月琉球使請封者言寇方擾海請自齋詔用還不敢勞使者不許國子監

祭酒沈坤家居跌宕負氣鄉人惡之南京御史林潤以風聞奏坤居鄉暴橫狀命逮京繫治之坤竟死獄中南京振武營軍以索糧譟亂逼總督侍郎黃懋官私第殺之上聞逮治爲首者使南京戶科奏所以上曰今小民無怨君之念多爲臣者求改新政快意耳朕覽南京事若五堡初作非軍敢爲皆臣使之張文錦猶可諉無心黃懋官卽郭希顏沈坤輩欺天無君故違不爲懋官勒減軍士糧雖死罪首也其追革職爲民以副都御史鄔懋卿清理天下鹽運求五色盈尺芝於天下虜屯喜峯口窺薊鎮大同總兵劉漢出

塞掠之于灰河始遠徙以近畿饑流民多就食京師者詳議賑濟事宜虜五百餘騎攻陷廣寧中前所殺千百戶各一人虜大入寇一片石等關參將佟登遊擊胡堯燾指揮谷承功守備牛相等禦却之出關至芝麻灣而還各論功有差上諭兵部朕聞四方盜賊蜂起有司欺怠不問其亟示撫臣督屬撫勦務俾除靖有不悉心者以名聞建祈民醮洪應雷宮十五日四月南京兵部侍郎李遂擒得振武營亂軍山等二十五人下兵部當山等梟斬不待時上命三法司與科道官詳之改以秋後決上曰廉無自遠之理必因

堂高士卒辱大臣當斬若時君立新帝者必法外處遲矣但黃懋官心存欺謗全屍而死失刑已甚茲所獲亦未果知當否其再議乃僅坐首惡三人餘皆發戍邊未獲者悉貸之賑順天饑民追賜岳懷王名曰厚熙以便醮壇追薦復設都御史一員提督南京糧儲改督漕右副都御史章煥爲之虜犯遼東廣寧大掠而去套虜寇寧夏河東毛不刺諸處總兵趙應禦却之五月賑山西饑民福建山賊倭夷並起攻掠平和詔安等縣破崇武所城復起王邦瑞爲兵部尚書協理京營戎政六月建天寶大典于大高玄殿停常

封至八月二十日止七月虜犯薊州遊擊胡鎮等擊破之禱雨宮中大同總兵劉漢俞大猷擊虜板升破之論功有差取太倉銀二十萬爲內供章煥故巡撫河南旣得督漕之命將行言中州妖盜並興失今不圖恐成大患因上經畧中原疏八事上以言之一統全盛之時心厭焉唐王宇溫薨八月上曰直贊諸臣効誠年久未有加與何以重君上事帝之典公希忠賜爵祿二臣嵩炳各歲加祿米二百石二輔階加太子太師本加少傅秩宗山加少保卿貳朴瓚煒各加正二品俸少卿訥春芳份各陞禮部右侍郎兼學士嵩子世蕃仍兼支尚寶卿俸以答朝夕左右之勤胡宗憲獻芝草五白龜二上悅特命賜白金五十兩金彩鶴衣一襲禮部請謝玄告廟許之建萬壽大齋朝天宮三日夜萬壽節命朱希忠攝拜天玄極殿羣臣望朝大朝門戊申月食上嘉郭朴直贊恭慎特加太子少保以爲南禮部尚書朴言臣幸效誠玄撰不願遠闕上說玉龜亡上曰天降靈物朕固疑其塵寰不久設興安縣九月虜寇大同越關大掠五臺崞縣建安神異典大玄都殿七日秋報大典大高玄殿三日玉熙宮成虜犯米脂諸縣十月建金籙酬恩秋報大

齋朝天宮三日夜永壽宮成東川營長阿堂與霑益
土官九鼎相攻巡撫都御史游居敬調兵勦之巡按
御史大任言居敬不待會勘輕動五萬師冀不可成
功恐生意外變命逮訊之已謫戍邊建秋成典於洪
應宮命景王之國詔兵部嚴督所司捕畿內盜上曰
今秋天降奇祥仰欽恩賜其暫免行刑以臨德天津
三倉米賑饑民封蜀世子宣圻爲蜀王趙王厚煜自
縊薨十一月南京給事中負圖劾糧儲都御史章煥
赴任遲延上故厭煥前疏下旨曰章煥專事談論久
欺謗其逮治京師旣至謫戍之親禱雪雷宮千步廊

火將郊上諭禮部曰朕敬天不怠郊祀大重事其命
百執事益怙虐冬一至羣臣望朝大朝門倭攻永春陷
之流劫德化同安漳平間十二月以雪未應遣祭告
玄極宗廟社稷及各宮廟上諭戶部朕聞民死凍餒
甚衆其卽發倉米萬石糜之尤饑寒者給食一器更
與米一升露死者五城御史令掩瘞之陶仲文卒加
贈特進光祿大夫予諡賜祭廕雪嚴嵩等表賀陝西巡
卒追贈忠誠伯予諡賜祭廕雪嚴嵩等表賀陝西巡
撫都御史軌巡按御史秋得白鹿於商南山萬壽宮
前芝叢中遂致鹿獻芝賜鈔幣虜掠海蓋熊岳等堡

指揮李元勳死之錄一子賜立祠祭葬倭陷潮州

四十年正月壬戌朔命朱希忠攝拜天玄極殿羣臣望朝大朝門虜大寇五花營守備王世臣千戶李虎等迎戰於永橋敗死告軌等所獻鹿芝於玄極太廟二月辛卯朔日有食之微陰不見欽天監官言微陰不見同不食上悅禮部尚書吳山救護如常禮上不悅山引罪上曰山守禮之臣也當科官何不參者其以狀對禮科都給事中東華等惶恐引罪上住爲首者俸罰其餘半年遂行謝典于大光明殿三日禮成羣臣表賀發臨德徐三州倉賑濟南六府江西賊馮

天爵等平建春祈大典大高玄殿三日趙王自縊王妃與其子載垓移誣彰德知府傅汝礪通判田時雨以奏詔逮京拷問已戌汝礪極邊械時雨還斬於河南景王之國免面辭二朝上諭禮部春冷人疾其令太醫院散藥九門至于夏至風上曰其兵火博示諸臣戢宥而嚴邊居有間上諭嵩博言諸邊有備足無患今天風復旬日恐不可不預慮吏部左侍郎茅瓚病足久告上問嵩瓚懼言臣所患肢體末疾行差矣當卽出敢再乞數日告上曰銓曹非養痾地其令去發天津通州兩倉米二萬一千石于順天永平太倉

白金萬五千兩于保定河間等六府賑濟重建祈年
典于洪應雷宮七日以伊王宮垣僭制命毀之廣東
惠潮山賊起流劫海豐歸善等縣三月發米萬石賑
饑民流移入京師者南京錦衣衛指揮繼勳得白兔
於鳳陽鳳凰山下以獻遣告于太廟羣臣賀建萬春
宮命禮部尚書兼翰林院學士煒直苑撰玄四月上
曰朕聞藥不投病餒民反傷又貧弱無濟有力濫與
失朕下令意其傳示小民知執事者過也抑民饑流
入京師皆守土有司失職不賑恤其出內庫制錢三
百萬量地遠近與爲歸資撫按官嚴督守令招集安

撫之大風雨黃土晝晦命百官修省順天府致敬而
求霖安遠龍南盜起山西饑發太倉銀五千賑之以
雨未足遣大臣分告諸宮廟百官素衣齋宿禁刑屠
九日以得霖日止分遣使者六人建萬壽醮于玄岳
鶴鳴龍虎齊雲三茅王屋諸山道士十一人齋香帛
於各省撫臣祭鎮海河瀆山川之神命鎮守湖廣安
遠侯震醮承天玄佑宮五月以旱霾災命大小九卿
自陳南京池河新營兵變雨羣臣賀閏五月吉王載
均薨嚴嵩妻夫人歐陽氏卒上命禮臣破例子卹典
時世蕃無意歸制嵩乃言臣老獨子不可無侍者上

許世蕃無歸令其孫鵠護喪往六月癸酉月食建仁
和宮七月己丑朔日食一分五杪禮部尚書袁煒言
臣聞唐一行曰日君道也無朏晷之變古之太平日
有不食月或變行避之或五星潛互其下禦侮而擁
之或涉交數淺或在陽曆陽盛陰微則不食或德之
休明而有小眚焉則天爲之隱雖交而不食此四者
皆教所繇生也皇上父事天兄事日羣陰退萬象輝
是以日佐班榮陰氣銷鑠食一分與不食同臣等不
任懼忤之至上悅聞廣流賊突入江西掠萬安太和
諸處副使汪一中等戰死賜贈廕祭葬立祠勅諸臣

勦捕賊賊火玉山攻永豐破之以萬春宮成建迎恩
典于大高玄殿禁常封三十有四日上曰間者天降
祥禾御田四十九本今歲五月恩滋應祈是月亥育
生瑞當知恩也禮部請獻太廟從之八月建萬壽大
齋朝天宮三日夜萬壽節命朱希忠攝拜天玄極殿
羣臣望朝大朝門上曰自博名入朕恒慮邊今秋恐
有擾者嵩其語博先遏之建秋報大齋大高玄殿三
日九月廣東賊張璉等襲攻南靖入之福建山賊襲
破鎮海衛城虜十萬餘騎犯居庸岔道口官兵禦之
故總兵官姜應熊先進遇圍被創墮馬參將胡鎮力

戰奪之虜遁去廣東賊攻陷福建崇安犯浙龍泉固原寧夏地震傷人發太倉白金八千賑恤之總督薊鎮保定都御史楊選條陳邊務下兵部覆上上曰薊一載矣未見減撤加挑選焉供餉繁費何時已卿博歷任薊遼宜竭盡忠謀如何練主兵乃可免調邊兵者大破格整理之再以方畧聞上曰夏霖應禱秋稼賜祥朕感玄麻其暫免今歲刑囚繫獄如故十月閩廣流賊自邵武轉掠鉛山貴溪等處參將戚繼光破之山坊巢賊奔寧德還攻宜黃爲南贛兵所敗始遁

建壽光閣封唐世子宙棟爲唐王增城人湛壽魯爲其祖故南京兵部尚書若水乞贈官下吏部覆尚書歐陽必進言若水學問醇正士望所歸宜許贈如壽魯請上曰若水僞學亂政必進浮譽之奪其散官侍郎郎中以下皆停罰有差上以宣薊二鎮兵餉匱竭使薦大臣有才望者往理吏部以總督倉場戶部右侍郎林應亮名上許之兵科都給事中益言應亮愿人也不足於敏達上下大臣再推因升右僉都御史霍冀爲戶部右侍郎兼右僉都御史以往調應亮南京頃之益復言戶部有兩侍郎曰劉大實趙貞吉廷

推不及乏才故也宜使致仕吏部覆如益言上皆命
閒住責吏部尚書歐陽必進對狀曰二位不堪何不
先言降必進俸二級侍郎張永明一級司官各奪俸
二月禮部類奏四方所進芝凡七百六十九本命明
歲加意採五色盈尺者淮王獻白鴈二賜金幣上曰
天降祥羽其廟告十一月冬至以天寒賜攝郊者都
督朱希孝御衣明日羣臣望朝大朝門禮部缺尚書
會推及郭朴上責歐陽必進顛恣擅改玄撰臣令致
仕卽以朴代之上曰深冬未見正白農民切望朕竭
誠禱雪焉會大風上曰其禳風而禱雪停刑禁屠百

官同之虜入寧夏進逼固原循下馬關而西掠數日
乃遁上所居永壽宮災嚴高請徙南城焉南城者英
宗之御也上不懌乃移御玉熙宮上曰朕御皇初宮
二十餘禩大變蒙恩久安玄事茲荷庇益感眷其以
下月擇日謝郊廟社稷如常儀禮部請詔示天下百
官齋戒脩省上曰非正朝也十二月御馬房火燬九
十餘楹工部尚書雷禮言玉熙宮殿墊隘不稱御居
永壽宮成祖之舊宮也受命重地王氣攸鍾偶值災
變天啓皇上鼎新丕基永延于萬祀請及時營繕以
承明眷上曰日謝罪郊廟風藏氣爽皇天其赦憫朕

以命大學士徐階與工部侍郎衡董其事月食親禱
雪于凝道雷軒上復自玉熙宮徙居玄都殿聞京師
內外多盜命朱希孝領官較兵部左侍郎葛縉領營
兵入衛命巡撫官嚴督所司捕盜而撫民

備刑禁屠百

聖朕竭

